

- 7.001.01a agnim narō dīdhitibhir aranyor hastācyutī janayanta praśastam |
7.001.01c dūredrśam gr̥hapatim atharyum ||
- 7.001.02a tam agnim aste vasavo ny r̥nvan supratīcakṣam avase kutaś cit |
7.001.02c dakṣāyō yo dama āsa nityaḥ ||
- 7.001.03a preddho agne dīdhi puro no 'jasrayā sūrmyā yaviṣṭha |
7.001.03c tvām śasvanta upa yanti vājāḥ ||
- 7.001.04a pra te agnayo 'gnibhyo varam niḥ suvīrāsaḥ śośucanta dyumantaḥ |
7.001.04c yatrā naraḥ samāsate sujātāḥ ||
- 7.001.05a dā no agne dhiyā rayim suvīram svapatyam sāhasya praśastam |
7.001.05c na yam yāvā tarati yātumāvān ||
- 7.001.06a upa yam eti yuvatiḥ sudakṣam doṣā vastor haviṣmati ghṛtācī |
7.001.06c upa svainam aramatir vasūyuh ||
- 7.001.07a viśvā agne 'pa dahārātīr yebhis tapobhir adaho jarūtham |
7.001.07c pra nisvaram cātayasvāmivām ||
- 7.001.08a ā yas te agna idhate anikam vasiṣṭha śukra dīdivaḥ pāvaka |
7.001.08c uto na ebhi stavathair iha syāḥ ||
- 7.001.09a vi ye te agne bhejire anikam martā naraḥ pitryāsaḥ purutrā |
7.001.09c uto na ebhiḥ sumanā iha syāḥ ||
- 7.001.10a ime narō vṛtrahatyēṣu sūrā viśvā adevīr abhi santu māyāḥ |
7.001.10c ye me dhiyam panayanta praśastām ||
- 7.001.11a mā sūne agne ni śadāma nr̥ṇām māśeśaso 'viratā pari tvā |
7.001.11c prajāvatīṣu duryāsu durya ||
- 7.001.12a yam aśvī nityam upayāti yajnam prajāvantam svapatyam kṣayam naḥ |
7.001.12c svajānmanā śeśasā vāvṛdhānam ||
- 7.001.13a pāhi no agne rakṣaso ajuṣtāt pāhi dhūrter araruṣo aghāyoḥ |
7.001.13c tvā yujā pṛtanāyūmr̥ abhi syām ||
- 7.001.14a sed agnir agnīmr̥ aty astv anyān yatra vājī tanayo vilupāniḥ |
7.001.14c sahasrapāthā akṣarā sameti ||
- 7.001.15a sed agnir yo vanuṣyato nipātī sameddhāram amhasa uruṣyāt |
7.001.15c sujātāsaḥ pari caranti vīrāḥ ||
- 7.001.16a ayam so agnir āhutaḥ purutrā yam īśānaḥ sam id indhe haviṣmān |
7.001.16c pari yam ety adhvaṛeṣu hotā ||
- 7.001.17a tve agna āhavanāni bhūrīśānāsa ā juhuyāma nityā |
7.001.17c ubhā kṛṇvantō vahatū miyedhe ||
- 7.001.18a imo agne vītatamāni havyaḥśro vakṣi devatātīm acchā |
7.001.18c prati na im̄ surabhīni vyantu ||
- 7.001.19a mā no agne 'virate parā dā durvāsase 'mataye mā no asyai |
7.001.19c mā naḥ kṣudhe mā rakṣasa ṛtāvo mā no dame mā vana ā juhūrthāḥ ||
- 7.001.20a nū me brahmāny agna uc chāsādhi tvām deva maghavadbhyaḥ suśudāḥ |

7.001.20c rātau syāmobhayāsa ā te yūyam pāta svastibhiḥ sadā naḥ ||
 7.001.21a tvam agne suhavo raṇvasandr̥k sudīti sūno sahaso didīhi |
 7.001.21c mā tve sacā tanaye nitya ā dhañ mā vīro aśman naryo vi dāsīt ||
 7.001.22a mā no agne durbhrtaye sacaiṣu deveddheṣv agniṣu pra vocaḥ |
 7.001.22c mā te asmān dūrmatayo bhṛmāc cid devasya sūno sahaso naśanta ||
 7.001.23a sa martō agne svanīka revān amartye ya ājuhōti havyam |
 7.001.23c sa devatā vasuvaniṁ dadhāti yam sūrīr arthī pṛcchamāna eti ||
 7.001.24a maḥo no agne suvītasya vidvān rayim sūribhya ā vahā br̥hantam |
 7.001.24c yena vayam sahasāvan mademāvīkṣitāsa āyuṣā suvīrah ||
 7.001.25a nū me brahmāṇy agna uc chāsādhi tvam deva maghavadbhyaḥ susūdaḥ |
 7.001.25c rātau syāmobhayāsa ā te yūyam pāta svastibhiḥ sadā naḥ ||

7.002.01a juṣasvā naḥ samidham agne adya śocā br̥had yajātām dhūmam ṛṇvan |
 7.002.01c upa spr̥śa divyam sānu stūpaiḥ sam raśmibhis tatanāḥ sūryasya ||
 7.002.02a narāśamsasya mahimānam eṣām upa stośāma yajātasya yajñaiḥ |
 7.002.02c ye sukratavaḥ śucayo dhiyandhāḥ svadānti devā ubhayāni havyā ||
 7.002.03a īlenyam vo asuram sudakṣam antar dūtām rodasī satyavācam |
 7.002.03c maṇuṣvad agnim manunā samiddham sam adhvārāya sadam in mahema ||
 7.002.04a saparyavo bharamānā abhijñu pra vṛñjate namasā barhir agnau |
 7.002.04c ājuhvanā ghṛtapṛṣṭham pṛśadvad adhvaryavo haviṣā marjayadhvam ||
 7.002.05a svādhyo₃ vi duro devayanto śīśrayū rathayur devatātā |
 7.002.05c pūrvī śīśum na mātara rihāne sam agruvo na samāneṣv añjan ||
 7.002.06a uta yoṣāne divye mahī na uśāsānaktā sudugheva dhenuḥ |
 7.002.06c barhiśadā puruhūte maghonī ā yajñīye suvītāya śrayetām ||
 7.002.07a viprā yajñeṣu mānuṣeṣu kārū manye vām jātavedasā yajadhyai |
 7.002.07c ūrdhvam no adhvaram kṛtam haveṣu tā deveṣu vanatho vāryāni ||
 7.002.08a ā bhāratī bhāratibhiḥ sajoṣā ilā devair manuṣyebhir agniḥ |
 7.002.08c sarasvatī sārsvatebhir arvāk tisro devīr barhir edam sadantu ||
 7.002.09a tan nās turīpam adha poṣayitnu deva tvaṣṭar vi rārānaḥ syasva |
 7.002.09c yatō vīrah karmanyaḥ sudakṣo yuktagrāvā jāyate devakāmaḥ ||
 7.002.10a vanāspate va sṛjopā devān agnir haviḥ samitā sūdayāti |
 7.002.10c sed u hotā satyatāro yajāti yathā devānām janimāni veda ||
 7.002.11a ā yāhy agne samidhāno arvān indreṇa devaiḥ saratham turebhiḥ |
 7.002.11c barhir na āstām aditiḥ suputrā svāhā devā amṛtā mādayantām ||

7.003.01a agnim vo devam agnibhiḥ sajoṣā yajīṣṭham dūtām adhvare kṛnudhvam |
 7.003.01c yo martyeṣu nidhruvir rtāvā tapurmūrdhā ghṛtānaḥ pāvakaḥ ||
 7.003.02a prothad aśvo na yavase viṣyan yadā maḥaḥ samvaraṇād vy asthāt |
 7.003.02c ād aśya vātō anu vāti śocir adha sma te vrajanam kṛṣṇam asti ||
 7.003.03a ud yasya te navajātasya vṛṣno gne caranty ajarā idhānāḥ |
 7.003.03c acchā dyām aruṣo dhūma eti sam dūto agna iyase hi devān ||

7.003.04a vi yasya te pṛthivyām pājo asret tṛṣṭu yad annā samavṛkta jambhaiḥ |
 7.003.04c seneva sr̥ṣṭā prasitiṣ ta eti yavaṃ na dasma juhvā vivekṣi ||
 7.003.05a tam id doṣā tam uṣasi yaviṣṭham agnim atyaṃ na marjayanta naraḥ |
 7.003.05c niśiśānā atithim asya yonau dīdāya śocir āhutasya vṛṣṇaḥ ||
 7.003.06a susandr̥k te svanīka pratikāṃ vi yad rukmo na rocasa upāke |
 7.003.06c dīvo na te tanyatur eti śuśmaś citro na sūraḥ prati cakṣi bhānum ||
 7.003.07a yathā vaḥ svāhāgnaye dāsema parilābhir ghṛtavadbhiś ca havyaiḥ |
 7.003.07c tebhīr no agne amitair mahobhiḥ śatam pūrbhir āyasībhir ni pāhi ||
 7.003.08a yā vā te santi dāśuṣe adhr̥ṣṭā giro vā yābhir nṛvatīr uruṣyāḥ |
 7.003.08c tābhir naḥ sūno sahaso ni pāhi smat sūrīṃ jaritṛṇ jātavedaḥ ||
 7.003.09a nir yat pūteva svadhitiḥ śucir gāt svayā kṛpā tanvāḥ rocāmānaḥ |
 7.003.09c ā yo mātror uśenyo janiṣṭa devayajyāya sukratuḥ pāvakaḥ ||
 7.003.10a etā no agne saubhagā didīhy api kratum sucetasam vatema |
 7.003.10c viśvā stotṛbhyo gr̥ṇate ca santu yūyam pāta svastibhiḥ sadā naḥ ||

7.004.01a pra vaḥ śukrāya bhānavē bharadhvaṃ havyam maṭim cāgnaye supūtam |
 7.004.01c yo daivyāni mānuṣā janūṃṣy antar viśvāni vidmanā jigāti ||
 7.004.02a sa gr̥tso agnis taruṇaś cid astu yato yaviṣṭho ajaniṣṭa mātuh |
 7.004.02c sam yo vanā yuvate śucidan bhūri cid annā sam id atti sadyaḥ ||
 7.004.03a asya devasya samsady anīke yam martāsaḥ śyetaṃ jagṛbhre |
 7.004.03c ni yo gr̥bham pauraṣeyīm uvoca durokam agnir āyave śuśoca ||
 7.004.04a ayam kavir akaviṣu pracetā martēsv agnir amṛto ni dhāyi |
 7.004.04c sa mā no atra juhuraḥ sahasvaḥ sadā tve sumanasaḥ syāma ||
 7.004.05a ā yo yonim devakṛtaṃ sasāda kratvā hy aḥgnir amṛtāṃ atārit |
 7.004.05c tam ośadhīś ca vaninaś ca garbham bhūmiś ca viśvadhāyasam bibharti ||
 7.004.06a iśe hy aḥgnir amṛtasya bhūrer iśe rāyaḥ suvīryasya dātoḥ |
 7.004.06c mā tvā vayam sahasāvann avīrā māpsavaḥ parī śadāma māduvaḥ ||
 7.004.07a pariśadyam hy araṇasya rekṇo nityasya rāyaḥ patayaḥ syāma |
 7.004.07c na śeṣo agne anyajātam asty acetānasya mā patho vi dukṣaḥ ||
 7.004.08a nahi grabhāyāraṇaḥ suśevo nyodaryo manasā mantavā u |
 7.004.08c adhā cid okaḥ punar it sa ety ā no vājy abhīśal etu navyaḥ ||
 7.004.09a tvam agne vanuṣyato ni pāhi tvam u naḥ sahasāvann avadyāt |
 7.004.09c sam tvā dhvasmanvad abhy etu pāthaḥ sam rayi spr̥hayāyyaḥ sahasrī ||
 7.004.10a etā no agne saubhagā didīhy api kratum sucetasam vatema |
 7.004.10c viśvā stotṛbhyo gr̥ṇate ca santu yūyam pāta svastibhiḥ sadā naḥ ||

7.005.01a prāgnaye tavase bharadhvaṃ giram divo arataye pṛthivyāḥ |
 7.005.01c yo viśveṣām amṛtānām upasthe vaiśvānaro vāvṛdhe jāgrvadbhiḥ ||
 7.005.02a pṛṣṭo divi dhāyy agniḥ pṛthivyām netā sindhūnām vṛṣabha stiyānām |
 7.005.02c sa mānuṣir abhi viśo vi bhāti vaiśvānaro vāvṛdhāno vareṇa ||
 7.005.03a tvad bhīyā viśā āyann asiknīr asamanā jahatīr bhojanāni |

7.005.03c vaiśvānara pūrave śośucānaḥ puro yad agne darayann adideḥ ||
 7.005.04a tava tridhātu pṛthivī uta dyaur vaiśvānara vratam agne sacanta |
 7.005.04c tvam bhāsā rodasī ā tatanthājasreṇa śociṣā śośucānaḥ ||
 7.005.05a tvām agne haritō vāvaśānā girah sacante dhunāyo ghṛtāciḥ |
 7.005.05c patim kṛṣṭinām rathyaṁ rayinām vaiśvānaram uśasām ketum ahnām ||
 7.005.06a tve asuryaīm vasavo ny ṛṇvan kratum hi te mitramaho juṣanta |
 7.005.06c tvam dasyūmr okaso agna āja uru jyotir janayann āryāya ||
 7.005.07a sa jāyamānaḥ parame vyoman vāyur na pāthaḥ pari pāsi sadyaḥ |
 7.005.07c tvam bhuvanā janayann abhi krann apatyāya jātavedo daśasyan ||
 7.005.08a tām agne asme iṣam erayasva vaiśvānara dyumatim jātavedaḥ |
 7.005.08c yayā rādhaḥ pinvasi viśvavāra pṛthu śravō dāśuṣe martyāya ||
 7.005.09a tam nō agne maḡhavadbhyaḥ purukṣum rayim ni vājam śrutyaṁ yuvasva |
 7.005.09c vaiśvānara mahi naḥ śarma yaccha rudrebhir agne vasubhiḥ sajoṣāḥ ||

7.006.01a pra samrājo asūryasya praśastim puṁsaḥ kṛṣṭinām anumādyāya |
 7.006.01c indrasyeva pra tavasas kṛtāni vandē dārum vandamāno vivakmi ||
 7.006.02a kavim ketum dhāsim bhānum adrēr hinvanti śam rājyaṁ rodasyoḥ |
 7.006.02c purandarasya girbhir ā vivāse 'gner vratāni pūrvyā mahāni ||
 7.006.03a ny akraṭūn grathino mṛdhraṇvācaḥ paṇimr āsraddhām avṛdhām ayajñān |
 7.006.03c pra-pra tāt dasyūmr agnir vivāya pūrvaś cakārāparām ayajyūn ||
 7.006.04a yo apācīne tamasi madantiḥ prācis cakāra nṛtamaḥ śacībhiḥ |
 7.006.04c tam iśānam vasvo agnim grñiṣe 'nānataṁ damayantam pṛtanyūn ||
 7.006.05a yo dehyoḥ anamayad vadhasnair yo aryapatnir uśasas cakāra |
 7.006.05c sa nirudhyā nahuṣo yahvo agnir viśas cakre balihṛtaḥ sahōbhiḥ ||
 7.006.06a yasya śarmann upa viśve janāsa evais tathuḥ sumatim bhikṣamānāḥ |
 7.006.06c vaiśvānaro varam ā rodasyor agniḥ sasāda pitror upastham ||
 7.006.07a ā devo dāde budhnyāḥ vasūni vaiśvānara uditā sūryasya |
 7.006.07c ā samudrād avarād ā parasmād āgnir dāde diva ā pṛthivyāḥ ||

7.007.01a pra vō devaṁ cit sahasānam agnim aśvaṁ na vājinām hiṣe namōbhiḥ |
 7.007.01c bhavā no dūto adhvarasya vidvān tmanā deveṣu vivide mitadruḥ ||
 7.007.02a ā yāhy agne pathyāḥ anu svā mandro devānām sakhyam juṣānaḥ |
 7.007.02c ā sānu śuṣmair nadayan pṛthivyā jambhebhīr viśvam uśadhag vanāni ||
 7.007.03a prācino yajñāḥ sudhitam hi barhiḥ priṇite agnir ilito na hotā |
 7.007.03c ā mātarā viśvavāre huvāno yato yaviṣṭha jajñiṣe suśevaḥ ||
 7.007.04a sadyo adhware rathiram jananta mānuṣāso vicetaso ya eṣām |
 7.007.04c viśam adhāyi viśpatir durōṇeḥ 'gnir mandro madhūvacā rtāvā ||
 7.007.05a asādi vrto vahnir ājaganvān agnir brahmā nṛsadane vidhartā |
 7.007.05c dyauś ca yam pṛthivī vāvṛdhāte ā yam hotā yajati viśvavāram ||
 7.007.06a ete dyumnebhīr viśvam ātiranta mantraṁ ye vāram naryā atakṣan |
 7.007.06c pra ye viśas tiranta śroṣamānā ā ye me asya didhayann rtasya ||

- 7.007.07a nū tvām āgna īmahe vasiṣṭhā īśānam sūno sahaso vasūnām |
7.007.07c iṣam stotṛbhyo maghavadbhya ānaḍ yūyam pāta svastibhiḥ sadā naḥ ||
- 7.008.01a indhe rājā sam aryo namobhir yasya pratikam ahutam ghrtena |
7.008.01c narō havyebhir ilate sabādha āgnir agra uṣasām aśoci ||
7.008.02a ayam u śya sumaham avedi hotā mandro manuṣo yahvo agniḥ |
7.008.02c vi bhā akah sasrjānaḥ pṛthivyām kṛṣṇapavir ośadhībhir vavakṣe ||
7.008.03a kayā no agne vi vasaḥ suvrkṭim kām u svadhām ṛṇavaḥ śasyamānaḥ |
7.008.03c kadā bhavema patayaḥ sudatra rāyo vantāro duṣṭarasya sādhoḥ ||
7.008.04a pra-prāyam agnir bhāratasya śrṇve vi yat sūryo na rocate brhad bhāḥ |
7.008.04c abhi yah pūrum pṛtanāsu tasthau dyutāno daivyo atithiḥ śuśoca ||
7.008.05a asann it tve āhavanāni bhūri bhuvo viśvebhiḥ sumanā anīkaiḥ |
7.008.05c stutaś cid agne śrṇviṣe grṇānaḥ svayam vārhasva tanvam sujāta ||
7.008.06a idam vacaḥ śatasāḥ samsahasram ud agnaye janiṣṭa dvibarhāḥ |
7.008.06c śam yat stotṛbhya āpaye bhavāti dyumad amīvacātanaḥ rakṣohā ||
7.008.07a nū tvām āgna īmahe vasiṣṭhā īśānam sūno sahaso vasūnām |
7.008.07c iṣam stotṛbhyo maghavadbhya ānaḍ yūyam pāta svastibhiḥ sadā naḥ ||
- 7.009.01a abodhi jāra uṣasām upasthād dhotā mandraḥ kavītamah pāvakaḥ |
7.009.01c dadhāti ketum ubhayasya jantor havya deveṣu draviṇam sukṛtsu ||
7.009.02a sa sukatur yo vi durah paṇinām punāno arkam purubhojasam naḥ |
7.009.02c hotā mandro viśam damūnās tīras tamō dadṛse rāmyānām ||
7.009.03a amūrah kavir aditir vīvasvān susaṁsan mitro atithiḥ śivo naḥ |
7.009.03c citrabhānur uṣasām bhāty agre 'pām garbhaḥ praśva ā vīveśa ||
7.009.04a īlenyo vo manuṣo yugeṣu samanagā aśucaj jātavedāḥ |
7.009.04c susandrśā bhānunā yo vibhāti prati gāvaḥ samidhānam budhanta ||
7.009.05a agne yāhi dūtyaīm mā riṣaṇyo devām acchā brahmaḥkṛtā gaṇena |
7.009.05c sarasvatīm maruto aśvināpo yakṣi devān ratnadheyāya viśvān ||
7.009.06a tvām agne samidhāno vasiṣṭho jarūtham han yakṣi rāye purāndhim |
7.009.06c puruṇīthā jātavedo jarasva yūyam pāta svastibhiḥ sadā naḥ ||
- 7.010.01a uṣo na jārah pṛthu pājo aśred davidyutad dīdyac chośucānaḥ |
7.010.01c vṛṣā hariḥ śucir ā bhāti bhāsā dhiyo hinvāna uśatir ajigaḥ ||
7.010.02a svaīr na vastor uṣasām aroci yajñam tanvānā uśijo na manma |
7.010.02c agnir janmāni deva ā vi vidvān dravad dūto devayāvā vaniṣṭhaḥ ||
7.010.03a acchā giro matayo devayantir agnim yanti draviṇam bhikṣamānāḥ |
7.010.03c susandrśam supratikam svañcam havyaavāham aratim mānuṣānām ||
7.010.04a indram no agne vasubhiḥ sajośā rudram rudrebhir ā vahā brhantam |
7.010.04c ādītebhir aditīm viśvajanyām brhaspatim rkvabhir viśvavāram ||
7.010.05a mandram hotaram uśijo yaviṣṭham agnim viśā ilate adhvaṛeṣu |
7.010.05c sa hi kṣapāvām abhavad rayīnām atandro dūto yajathāya devān ||

- 7.011.01a maḥāṁ asy adhvarasya praketo na rte tvad amṛtā mādayante |
7.011.01c ā viśvebhiḥ sarathāṁ yāhi devair ny agne hotā prathamāḥ sādaha ||
7.011.02a tvām ilate ajiraṁ dūtyāya haviṣmantaḥ sadam in mānuṣāsaḥ |
7.011.02c yasya devair āsado barhir agne 'hāny asmai sudinā bhavanti ||
7.011.03a tris cid aktoḥ pra cikitur vasūni tve antar dāsuse martyāya |
7.011.03c manuṣvad agna iha yakṣi devān bhavā no dūto abhiśastipāvā ||
7.011.04a agnir īse brhato adhvarasyāgnir viśvasya haviṣaḥ kṛtasya |
7.011.04c kratuṁ hy asya vasavo juṣantāthā devā dadhire havyaṁvāham ||
7.011.05a āgne vaha haviradyāya devān indrajyeṣṭhāsa iha mādayantām |
7.011.05c imam yajñam divi deveṣu dhehi yūyam pāta svastibhiḥ sadā naḥ ||
- 7.012.01a aḡanma mahā namasā yaviṣṭham yo didāya samiddhaḥ sve durone |
7.012.01c citrabhānum rodasī antar urvī svāhutaṁ viśvataḥ pratyañcam ||
7.012.02a sa maḥnā viśvā duritāni sāvān agni ṣṭave dama ā jātavedāḥ |
7.012.02c sa nō rakṣiṣad duritād avadyād asmān grṇata uta nō maghonāḥ ||
7.012.03a tvam varuṇa uta mitro agne tvām vārdhanti matibhir vasiṣṭhāḥ |
7.012.03c tve vasu suṣaṇanāni santu yūyam pāta svastibhiḥ sadā naḥ ||
- 7.013.01a prāḡnaye viśvasuce dhiyandhe 'suraghe manma dhītim bhāradhvam |
7.013.01c bhare havir na barhiṣi priṇāno vaiśvānarāya yataye matinām ||
7.013.02a tvam agne śociṣā śośucāna ā rodasī aprṇā jāyamānaḥ |
7.013.02c tvam devāṁ abhiśaster amuñco vaiśvānara jātavedo mahitvā ||
7.013.03a jāto yad agne bhuvanā vy akhyaḥ paśūn na gopā iryaḥ pariḡmā |
7.013.03c vaiśvānara brahmaṇe vinda gātuṁ yūyam pāta svastibhiḥ sadā naḥ ||
- 7.014.01a samidhā jātavedase devāya devahūtibhiḥ |
7.014.01c havirbhiḥ śukraśociṣe namasvino vāyam dāsemāḡnaye ||
7.014.02a vāyam te agne samidhā vidhema vāyam dāsema suṣṭutī yājatra |
7.014.02c vāyam ghr̥tenādhvarasya hotar vāyam deva haviṣā bhadrāśoce ||
7.014.03a ā nō devebhir upā devahūtim agne yāhi vaṣatḡrtim juṣānaḥ |
7.014.03c tubhyam devāya dāsataḥ syāma yūyam pāta svastibhiḥ sadā naḥ ||
- 7.015.01a upasadyāya mīlhuṣa āsyē juhutā haviḥ |
7.015.01c yo nō nediṣṭham āpyam ||
7.015.02a yaḥ pañca carṣaṇīr abhi niṣasāda dame-dame |
7.015.02c kavir gr̥hapātir yuvā ||
7.015.03a sa nō vedo amātyam agnī rakṣatu viśvataḥ |
7.015.03c utāsmān pātv amhasaḥ ||
7.015.04a navam nu stomam āḡnaye divaḥ syenāya jījanam |
7.015.04c vasvaḥ kuvid vanāti naḥ ||

- 7.015.05a spārḥā yasya śriyo dr̥ṣe rayir vīravato yathā |
7.015.05c agre yajñasya śocataḥ ||
- 7.015.06a semām vetu vaśatkr̥tim agnir juṣata no girah |
7.015.06c yajīṣtho havyaṅvāhanaḥ ||
- 7.015.07a ni tvā naksya viśpate dyumantam deva dhīmahi |
7.015.07c suvīram agna āhuta ||
- 7.015.08a kṣapa usraś ca dīdihi svagnayas tvayā vayam |
7.015.08c suvīras tvam asmayuh ||
- 7.015.09a upa tvā sātaye narō viprāso yanti dhītibhiḥ |
7.015.09c upākṣarā sahasriṇī ||
- 7.015.10a agnī rakṣāmsi sedhati śukraśocir amartyaḥ |
7.015.10c śuciḥ pāvaka idyaḥ ||
- 7.015.11a sa no rādham̐sy ā bhareśānaḥ sahaso yaho |
7.015.11c bhagaś ca dātu vāryam ||
- 7.015.12a tvam agne vīravād yaśo devaś ca savitā bhagaḥ |
7.015.12c ditiś ca dāti vāryam ||
- 7.015.13a agne rakṣā no amhasaḥ prati śma deva riśataḥ |
7.015.13c tapiṣṭhair ajaro daha ||
- 7.015.14a adhā mahī na āyasy anādhr̥ṣto nr̥pītaye |
7.015.14c pūr bhavā śatabhujih ||
- 7.015.15a tvam naḥ pāhy amhaso doṣāvastar aghāyataḥ |
7.015.15c divā naktam adābhya ||
- 7.016.01a enā vo agnim namasorjo napātam ā huve |
7.016.01c priyam cetiṣṭham aratim svadhvaram viśvasya dūtam amṛtam ||
- 7.016.02a sa yojate aruṣā viśvabhojasā sa dudravat svāhutaḥ |
7.016.02c subrahmā yajñah suśamī vasūnām devam rādho janānam ||
- 7.016.03a ud asya śocir asthād ājuhvanasya mīlhuṣaḥ |
7.016.03c ud dhūmāso aruṣāso diviṣṭraḥ sam agnim indhate naraḥ ||
- 7.016.04a tam tvā dūtam kṛmahe yaśastamam devām ā vītaye vaha |
7.016.04c viśvā sūno sahaso martabhojanā rāsva tad yat tvemahe ||
- 7.016.05a tvam agne gr̥hapatis tvam hotā no adhvare |
7.016.05c tvam potā viśvavāra pracetā yakṣi veṣi ca vāryam ||
- 7.016.06a kṛdhi ratnam yajamānāya sukrato tvam hi ratnadhā asi |
7.016.06c ā na rte śiśihī viśvam rtvijam suśamso yaś ca dakṣate ||
- 7.016.07a tve agne svāhuta priyāsaḥ santu sūrayaḥ |
7.016.07c yantāro ye maghavāno janānam ūrvān dayanta gonam ||
- 7.016.08a yeṣām ilā ghṛtahastā duroṇa am̐ api prātā niṣidati |
7.016.08c tāms trāyasva sahasya druho nido yacchā naḥ śarma dirghaśrut ||
- 7.016.09a sa mandrayā ca jihvayā vahnir āsā viduṣṭaraḥ |
7.016.09c agne rayim maghavadbhyo na ā vaha havyaadātīm ca sūdaya ||

- 7.016.10a ye rādhāmsi dadaty asvyā maghā kāmēna śravāso maḥaḥ |
7.016.10c tāṃ amhasaḥ piprhi partṛbhiḥ tvaṃ śatam pūrbhir yaviṣṭhya ||
7.016.11a devo vo draviṇodāḥ pūrṇām vivasṭy āsicam |
7.016.11c ud vā siñcadvam upā vā pṛṇadvam ād id vo deva ohate ||
7.016.12a tam hotāram adhvarasya pracetasam vahnim devā akr̥nvata |
7.016.12c dadhāti ratnam vidhate suvīryam agnir janāya dāsuse ||
- 7.017.01 agne bhava suśamidhā samiddha uta barhir urviyā vi str̥ṇitām ||
7.017.02 uta dvāra usatir vi śrayantām uta devāṃ usata ā vaheha ||
7.017.03 agne vihi haviṣā yakṣi devān svadhvarā kṛṇuhi jātavedaḥ ||
7.017.04 svadhvarā karati jātavedā yakṣad devāṃ amṛtān piprayac ca ||
7.017.05 vaṃsva viśvā vāryāni pracetaḥ satyā bhavantv āśiṣo no adya ||
7.017.06 tvām u te dadhire havyavāham devāso agna ūrja ā napātam ||
7.017.07 te te devāya dāsataḥ syāma mahō no ratnā vi dadha iyānaḥ ||
- 7.018.01a tve ha yat pitarāś cin na indra viśvā vāmā jaritāro asanvan |
7.018.01c tve gāvāḥ sudughās tve hy asvās tvaṃ vasu devayate vaniṣṭhaḥ ||
7.018.02a rājeva hi janibhiḥ kṣeṣy evāva dyubhir abhi viduḥ kaviḥ san |
7.018.02c piśā giro maghavan gobhir asvais tvāyataḥ śiśiḥi rāye asmān ||
7.018.03a imā u tvā paspṛdhānāso atra mandrā giro devayantir upā sthuḥ |
7.018.03c arvāci te pathyā rāya etu syāma te sumatāv indra śarman ||
7.018.04a dhenum na tvā sūyavase dudukṣann upā brahmāni sarje vasiṣṭhaḥ |
7.018.04c tvām in me gopatim viśvā āhā na indraḥ sumatim gantv acchā ||
7.018.05a arṇāmsi cit paprathānā sudāsa indro gādhāny akr̥not supārā |
7.018.05c śardhantam śimyum ucathasya navyaḥ śāpam sindhūnām akr̥nod asastih ||
7.018.06a purolā it turvaśo yakṣur āsid rāye matsyāso niśitā apīva |
7.018.06c śruṣṭim cakrur bhrgavo druhyavaś ca sakhā sakhāyam atarad viśūcoḥ ||
7.018.07a ā pakthāso bhalānaso bhanantālināso viṣānināḥ śivāsaḥ |
7.018.07c ā yo 'nayat sadhamā āryasya gavyā tr̥tsubhyo ajagan yudhā nṛn ||
7.018.08a durādhyo³ aditim srevayanto 'cetaso vi jagrbhre paruṣṇim |
7.018.08c maḥnāvivyak pṛthivim patyamānaḥ paśuḥ kavir āsayac cāyamānaḥ ||
7.018.09a iyur artham na nyartham paruṣṇim āśuś caned abhipitvam jagāma |
7.018.09c sudāsa indraḥ sutukāṃ amitran arandhayan mānuṣe vadhrivācaḥ ||
7.018.10a iyur gāvo na yavasād agopā yathākṛtam abhi mitram citāsaḥ |
7.018.10c pṛśnigāvaḥ pṛśninipreṣitāsaḥ śruṣṭim cakrur niyuto rantayaś ca ||
7.018.11a ekam ca yo vimśatim ca śravasyā vaikarṇayor janān rājā ny astāḥ |
7.018.11c dasmo na sadman ni śiśāti barhiḥ sūraḥ sargam akr̥nod indra eṣām ||
7.018.12a adhā śrutam kavaṣam vṛddham apsv anu druhyum ni vṛṇag vajrabāhuḥ |
7.018.12c vṛṇānā atra sakhyāya sakhyam tvāyanto ye amadann anu tvā ||
7.018.13a vi sadyo viśvā dr̥mhitāny eṣām indraḥ puraḥ sahasā sapta dardaḥ |
7.018.13c vy ānavasya tr̥tsave gayam bhāg jeṣma pūrum vidathe mṛdhravācam ||

7.018.14a ni gavyavo 'navo druhyavaś ca śaṣṭiḥ śatā suṣupuh śaṭ sahasrā |
 7.018.14c śaṣṭir vīrāso adhi ṣaḍ duvoyu viśved indrasya vīryā kṛtāni ||
 7.018.15a indreṇaite trtsavo veviśānā āpo na sṛṣṭā adhavanta nīciḥ |
 7.018.15c durmitrāsaḥ prakalavin mimānā jahur viśvāni bhojanā sudāse ||
 7.018.16a ardham vīrasya śṛtapām anindram parā śardhantaṁ nunude abhi kṣām |
 7.018.16c indro manyum manyumyo mimāya bheje patho vartanim patyamānaḥ ||
 7.018.17a ādhreṇa cit tad v ekam cakāra simhyam cit petvenā jaghāna |
 7.018.17c ava sraktir veśyāvṛscad indrah prāyacchad viśvā bhojanā sudāse ||
 7.018.18a śaśvanto hi śatravo rāradhuṣ te bhedasya cic chardhato vinda randhim |
 7.018.18c martām ena stuvato yaḥ kṛnoti tigraṁ tasmīn ni jāhi vajraṁ indra ||
 7.018.19a āvad indram yamunā trtsavaś ca prātra bhedaṁ sarvatātā muṣayat |
 7.018.19c ajāsaś ca śigravo yakṣavaś ca balim śīrṣāni jabhrur aśvyāni ||
 7.018.20a na tā indra sumatayo na rāyaḥ sañcakṣe pūrvā uśaso na nūtnāḥ |
 7.018.20c devakam cin mānyamānam jaghanthāva tmanā brhataḥ sambaram bhet ||
 7.018.21a pra ye grhād amamadus tvāyā parāśaraḥ śatayātur vasiṣṭhaḥ |
 7.018.21c na te bhojasya sakhyam mṛṣantādḥā sūribhyaḥ sudinā vy ucchān ||
 7.018.22a dve naptur devavataḥ śate gor dvā rathā vadhūmantā sudāsaḥ |
 7.018.22c arhann agne pajavanasya dānam hoteva sadma pary emi rebhan ||
 7.018.23a catvāro mā pajavanasya dānāḥ smaddiṣṭayaḥ kṛṣanino nireke |
 7.018.23c rjṛāso mā pṛthiviṣṭhāḥ sudāsaś tokam tokāya śravase vahanti ||
 7.018.24a yasya śravo rodasī antar urvī śīrṣṇe-śīrṣṇe vibabhājā vibhaktā |
 7.018.24c sapted indram na sravato grṇanti ni yudhyāmadhim aśīśād abhīke ||
 7.018.25a imam naro marutaḥ saścatānu divodāsaṁ na pītaram sudāsaḥ |
 7.018.25c aṅviṣṭanā pajavanasya ketam dūnāśam kṣatram ajaram duvoyu ||

7.019.01a yas tigmaśṛngo vṛṣabho na bhīma ekaḥ kṛṣṭiś cyāvayati pra viśvāḥ |
 7.019.01c yaḥ śaśvato adāsuṣo gayasya prayantāsi suṣvitarāya vedāḥ ||
 7.019.02a tvaṁ ha tyad indra kutsam āvaḥ śuśrūṣamāṇas tanvā samarye |
 7.019.02c dāsam yac chuṣṇam kuyavaṁ ny asmā arandhaya ārjuneyāya śikṣan ||
 7.019.03a tvaṁ dhrṣṇo dhrṣatā vitahavyam pravo viśvābhir ūtibhiḥ sudāsam |
 7.019.03c pra paurukutsim trasadasyum āvaḥ kṣetrasātā vṛtrahatyēṣu pūrum ||
 7.019.04a tvaṁ nṛbhir nṛmaṇo devavītau bhūrīni vṛtrā haryaśva hamsi |
 7.019.04c tvaṁ ni dasyum cumurim dhunim cāsvāpayo dabhītaye suhantu ||
 7.019.05a tava cyautnāni vajrahasta tāni nava yat puro navatim ca sadyaḥ |
 7.019.05c nīveśane śatatamāvīveṣir ahañ ca vṛtram namucim utāhan ||
 7.019.06a sanā tā tā indra bhojanāni rātahavyāya dāsuṣe sudāse |
 7.019.06c vṛṣṇe te harī vṛṣānā yunajmi vyantu brahmāni puruśāka vājam ||
 7.019.07a mā te aśyām sahasāvan pariṣṭāv aghāya bhūma harivaḥ parādai |
 7.019.07c trāyasva no 'vṛkebhir varūthais tava priyāsaḥ sūriṣu syāma ||
 7.019.08a priyāsa it te maghavann abhiṣṭau naro madema śaraṇe sakhāyaḥ |
 7.019.08c ni turvaśam ni yadvam śīśihy atithigvāya śamsyam kariṣyan ||

7.019.09a sadyaś cin nu te maghavann abhiṣṭau naraḥ śamsanty ukthaśāsa ukthā |
 7.019.09c ye te havebhir vi pañimr adāśann asmān vṛṇiṣva yujyāya tasmai ||
 7.019.10a ete stomā narām nṛtama tubhyam asmādryaṅco dadato maghāni |
 7.019.10c teṣām indra vṛtrahatyē śivo bhūḥ sakhā ca sūro vitā ca nṛṇām ||
 7.019.11a nū indra sūra stavamāna uti brahmajūtas tanvā vāvṛdhasva |
 7.019.11c upa no vājān mimihy upa stin yūyam pāta svastibhiḥ sadā naḥ ||

7.020.01a ugro jajñe vīryāya svadhāvāñ cakrir apo naryo yat kariṣyan |
 7.020.01c jagmir yuvā nṛśadanam avobhis trātā na indra enaso maḥś cit ||
 7.020.02a hantā vṛtram indraḥ sūśuvānaḥ prāvīn nu viro jaritāram uti |
 7.020.02c kartā sudāse aha vā u lokam dātā vasu muhur ā dāśuṣe bhūt ||
 7.020.03a yudhmo anarvā khajakṛt samadvā sūraḥ satrāśād januṣem aśālhaḥ |
 7.020.03c vy āsa indraḥ pṛtanāḥ svojā adhā viśvam śatrūyantam jaghāna ||
 7.020.04a ubhe cid indra rodasī mahitvā paprātha taviṣibhis tuviṣmah |
 7.020.04c ni vajram indro harivān mimikṣan sam andhasā madeṣu vā uvoca ||
 7.020.05a vṛṣā jajāna vṛṣaṇam raṇāya tam u cin nārī naryam sasūva |
 7.020.05c pra yaḥ senānir adha nṛbhyo astīnaḥ satvā gaveṣaṇaḥ sa dhrṣnuḥ ||
 7.020.06a nū cit sa bhreṣate jano na reṣan maṇo yo asya ghoram āvivāsāt |
 7.020.06c yajñair ya indre dadhate duvāmsi kṣayat sa rāya ṛtapā ṛtejāḥ ||
 7.020.07a yad indra pūrvo aparāya śikṣann ayaj jyāyān kanīyaso deṣnam |
 7.020.07c amṛta it pary āsita dūram ā citra citryam bharā rayim naḥ ||
 7.020.08a yas ta indra priyo jano dadāśad asan nireke adriṅvaḥ sakhā te |
 7.020.08c vāyam te aśyām sumatau caniṣṭhāḥ syāma varūthe aghnato nṛpītau ||
 7.020.09a eṣa stomo acikradad vṛṣā ta uta stāmur maghavann akrapīṣṭa |
 7.020.09c rāyas kāmō jaritāram ta āgan tvam aṅga śakra vasva ā śako naḥ ||
 7.020.10a sa na indra tvayatāyā iṣe dhās tmanā ca ye maghavāno junanti |
 7.020.10c vasvī ṣu te jaritre astu śaktir yūyam pāta svastibhiḥ sadā naḥ ||

7.021.01a asāvi devam goṛjikam andho ny āsmīn indro januṣem uvoca |
 7.021.01c bodhāmasi tvā haryaśva yajñair bodhā na stomam andhaso madeṣu ||
 7.021.02a pra yanti yajñam vipayanti barhiḥ somamādo vidathe dudhravācaḥ |
 7.021.02c ny u bhriyante yaśaso grbhād ā dūraūpabdo vṛṣaṇo nṛśacaḥ ||
 7.021.03a tvam indra sravitavā apas kaḥ pariṣṭhitā ahinā sūra pūrvih |
 7.021.03c tvad vāvakre rathyo na dhenā rejante viśvā kṛtrimāni bhīṣā ||
 7.021.04a bhīmo viveṣāyudhebhir eṣām apāmsi viśvā naryāni vidvān |
 7.021.04c indraḥ puro jarhṣaṇo vi dūdhod vi vajrahasto mahinā jaghāna ||
 7.021.05a na yātava indra jūjuvur no na vandanā śaviṣṭha vedyābhiḥ |
 7.021.05c sa śardhad aryo viṣuṇasya jantor mā śīśnadevā apī gur ṛtam naḥ ||
 7.021.06a abhi kratvendra bhūr adha jman na te vivyaṇ mahimānam rajāmsi |
 7.021.06c svenā hi vṛtram śavasā jaghantha na śatrur antam vividat yudhā te ||
 7.021.07a devāś cit te asuryāya pūrve nu kṣatrāya mamire sahāmsi |

- 7.021.07c indro maghāni dayate viṣahyendram vājasya johuvanta satau ||
7.021.08a kīriś cid dhi tvām avase juhāveśānam indra saubhagasya bhūreḥ |
7.021.08c avo babhūtha śatamūte asme abhikṣattus tvāvato varūtā ||
7.021.09a sakhāyas ta indra viśvaha syāma namovrdhāso mahinā tarutra |
7.021.09c vanvantu smā te vasā samīke3 bhītim aryo vanuṣām śavāmsi ||
7.021.10a sa nā indra tvayatāyā iṣe dhās tmanā ca ye maghavāno junanti |
7.021.10c vasvī ṣu te jaritre astu śaktir yūyam pāta svastibhiḥ sadā naḥ ||
- 7.022.01a pibā somam indra mandatu tvā yaṁ te suṣāva haryaśvādriḥ |
7.022.01c sotur bāhubhyām suyato nārvā ||
7.022.02a yas te mado yujyaś cārur asti yena vṛtrāṇi haryaśva haṁsi |
7.022.02c sa tvām indra prabhūvaso mamattu ||
7.022.03a bodhā su me maghavan vācam emām yām te vasiṣṭho arcaṭi praśastim |
7.022.03c imā brahma sadhamāde juṣasva ||
7.022.04a śrudhī havām vipipānasyādrer bodhā viprasyārcato manīṣām |
7.022.04c kṛṣvā duvāmsy antāmā sacemā ||
7.022.05a na te giro api mṛṣye turasya na suṣtutim asuryasya vidvān |
7.022.05c sadā te nāma svayaśo vivakmi ||
7.022.06a bhūri hi te savanā mānuṣeṣu bhūri manīṣi havate tvām it |
7.022.06c māre asman maghavañ jyok kaḥ ||
7.022.07a tubhyed imā savanā sūra viśvā tubhyam brahmāṇi vardhanā kṛṇomi |
7.022.07c tvam nṛbhir havyo viśvadhāsi ||
7.022.08a nū cin nu te manyāmānasya daśmod aśnuvanti mahimānam ugra |
7.022.08c na vīryam indra te na rādhaḥ ||
7.022.09a ye ca pūrva ṛṣayo ye ca nūtnā indra brahmāṇi janayanta viprah |
7.022.09c asme te santu sakhyā śivāni yūyam pāta svastibhiḥ sadā naḥ ||
- 7.023.01a ud u brahmāny airata śravasyendram samarye mahayā vasiṣṭha |
7.023.01c ā yo viśvāni śavasā tatānopaśrotā ma ivato vacāmsi ||
7.023.02a ayāmi ghoṣa indra devajāmīr irajyanta yac churudho vivāci |
7.023.02c naḥi svam āyus cikite janeṣu tānīd amhāmsy ati parṣy asmān ||
7.023.03a yuje ratham gaveṣaṇam haribhyām upa brahmāṇi jujuṣaṇam aṣṭhuḥ |
7.023.03c vi bādhiṣṭa sya rodasī mahitvendro vṛtrāṇy apraṭi jaghanvān ||
7.023.04a āpaś cit pipyu staryo3 na gāvo naksann ṛtam jaritāras ta indra |
7.023.04c yāhi vāyur na niyuto no acchā tvam hi dhībhir dayase vi vājān ||
7.023.05a te tvā madā indra mādayantu suṣmiṇām tuvīrādhasam jaritre |
7.023.05c ekō devatrā dayase hi martān asmiñ chūra savāne mādayasva ||
7.023.06a eved indram vṛṣaṇam vajrabāhum vasiṣṭhāso abhy arcanty arkaiḥ |
7.023.06c sa nā stuto vīravād dhātu gomād yūyam pāta svastibhiḥ sadā naḥ ||
- 7.024.01a yoniṣ ṭa indra sadane akāri tam ā nṛbhiḥ puruhūta pra yāhi |

7.024.01c aso yathā no 'vitā vṛdhe ca dado vasūni mamadaś ca somaiḥ ||
 7.024.02a gr̥bhītāṃ te manā indra dvibarhāḥ sutāḥ somaḥ pariṣiktā madhūni |
 7.024.02c viśṛṣṭadhenā bharate suvr̥ktir iyam indraṃ johuvatī manīṣā ||
 7.024.03a ā no diva ā pṛthivyā r̥jīṣinn idam barhiḥ somapeyāya yāhi |
 7.024.03c vahantu tvā harayo madryañcam āṅgūṣam acchā tavaśam madāya ||
 7.024.04a ā no viśvābhir ūtibhiḥ sajoṣā brahma juṣāno haryaśva yāhi |
 7.024.04c varivṛjāt sthavirebhiḥ suśiprāsme dadhad vṛṣaṇaṃ śuśmam indra ||
 7.024.05a eṣa stomo maha ugrāya vāhe dhurīṣvātyo na vājayann adhāyi |
 7.024.05c indra tvāyam arka itte vasūnām divīva dyām adhi naḥ śromataṃ dhāḥ ||
 7.024.06a evā na indra vāryasya pūrdhi pra te mahīm sumatim vevidāma |
 7.024.06c iṣam pinva maghavadbhyaḥ suvirām yūyam pāta svastibhiḥ sadā naḥ ||

7.025.01a ā te maha indroty ugra samanyavo yat samaranta senāḥ |
 7.025.01c patāti didyun naryasya bāhvor mā te manō viśvadryaḥ vi cārīt ||
 7.025.02a ni durga indra śnathihy amitram̐ abhi ye no martāso amantī |
 7.025.02c āre tam̐ śamsam̐ kṛṇuhi ninitsor ā no bhara sambharanaṃ vasūnām ||
 7.025.03a śataṃ te śiprinn ūtayaḥ sudāse sahasraṃ śamsā uta rātir astu |
 7.025.03c jahī vadhar vanuṣo martyasyāsme dyumnam adhi ratnaṃ ca dhehi ||
 7.025.04a tvāvato hindra kratve asmi tvāvato 'vituh̐ śūra rātau |
 7.025.04c viśved ahāni taviṣiva ugraṃ okaḥ kṛṇuṣva harivo na mardhiḥ ||
 7.025.05a kutsā ete haryaśvāya śuśam indre saho devajūtam iyānāḥ |
 7.025.05c satrā kṛdhi suhanā śūra vṛtrā vyaṃ tarutrāḥ sanuyāma vājam ||
 7.025.06a evā na indra vāryasya pūrdhi pra te mahīm sumatim vevidāma |
 7.025.06c iṣam pinva maghavadbhyaḥ suvirām yūyam pāta svastibhiḥ sadā naḥ ||

7.026.01a na soma indram asuto mamāda nābrahmāno maghavānaṃ sutāsaḥ |
 7.026.01c tasmā uktham̐ janaye yaj jujoṣan nṛvan naviyāḥ śṛṇavad yathā naḥ ||
 7.026.02a uktha-ukthe soma indram mamāda nīthe-nīthe maghavānaṃ sutāsaḥ |
 7.026.02c yad im̐ sabādhaḥ pītaram̐ na putrāḥ samānadakṣā avāse havante ||
 7.026.03a cakāra tā kṛṇavan nūnam̐ anyā yāni bruvanti vedhasaḥ suteṣu |
 7.026.03c janir̐ iva patir̐ ekaḥ samāno ni māmṛje pura indraḥ su sarvāḥ ||
 7.026.04a evā tam̐ āhur̐ uta śṛṇva indra eko vibhaktā taraṇir̐ maghānām |
 7.026.04c mithastura ūtayo yasya pūrvir̐ asme bhadrāṇi saścata priyāṇi ||
 7.026.05a evā vasiṣṭha indram̐ ūtaye nṛn̐ kṛṣṭinām̐ vṛṣabham̐ sute gr̥ṇāti |
 7.026.05c sahasriṇa upa no māhi vājān̐ yūyam pāta svastibhiḥ sadā naḥ ||

7.027.01a indram̐ narō nemadhītā havante yat pāryā yunajate dhiyas tāḥ |
 7.027.01c śūro nṛṣātā śavasaś cakāna ā gomati vraje bhajā tvam̐ naḥ ||
 7.027.02a ya indra śuśmo maghavan te asti śikṣā sakhībhyaḥ puruhūta nṛbhyaḥ |
 7.027.02c tvam̐ hi dṛlḥā maghavan vicetā apā vṛdhi parivṛtam̐ na rādhaḥ ||
 7.027.03a indro rājā jagataś carṣaṇinām̐ adhi kṣami viśurūpam̐ yad asti |

7.027.03c tato dadāti dāśuṣe vasūni codad rādha upastutaś cid arvāk ||
 7.027.04a nū cin na indro maghavā sahūti dāno vājam ni yamate na ūti |
 7.027.04c anūnā yasya dakṣiṇā pīpāyā vāmaṁ nṛbhyo abhivītā sakhibhyaḥ ||
 7.027.05a nū indra rāye varivas kṛdhī na ā te manō vavṛtyāma maghāyā |
 7.027.05c gomad aśvāvad rathāvad vyantō yūyam pāta svastibhiḥ sadā naḥ ||

7.028.01a brahmā na indropa yāhi vidvān arvāñcas te harayaḥ santu yuktāḥ |
 7.028.01c viśve cid dhi tvā vihavanta martā asmākam ic chṛnuhi viśvaminva ||
 7.028.02a havam ta indra mahimā vy ānad brahma yat pāsi śavasinn ṛṣiṇām |
 7.028.02c ā yad vajraṁ dadhiṣe hasta ugra ghoraḥ san kratvā janiṣṭhā aśāḥ ||
 7.028.03a tava praṇitindra johuvānān sam yan nṛn na rodasi ninetha |
 7.028.03c mahe kṣatrāya śavase hi jajñe tūtujim cit tūtujir aśisnat ||
 7.028.04a ebhir na indrahahir daśasya durmitrāso hi kṣitayaḥ pavante |
 7.028.04c prati yac caṣṭe anṛtam anenā ava dvitā varuṇo māyī naḥ sāt ||
 7.028.05a vocemed indram maghavānam enam maḥo rāyo rādhaso yad dadan naḥ |
 7.028.05c yo arcato brahmakṛtim aviṣṭho yūyam pāta svastibhiḥ sadā naḥ ||

7.029.01a ayam somā indra tubhyaṁ sunva ā tu pra yāhi harivas tadokāḥ |
 7.029.01c pibā tv aśya suśutasya cārōr dadō maghāni maghavann iyānaḥ ||
 7.029.02a brahman vira brahmakṛtim juṣāno rvācīno haribhir yāhi tūyam |
 7.029.02c asminn ū ṣu savane mādayasvopa brahmāni śṛṇava imā naḥ ||
 7.029.03a kā te asty arāṅkṛtiḥ sūktaiḥ kadā nūnam te maghavan dāśema |
 7.029.03c viśvā matir ā tatane tvāyādḥā ma indra śṛṇavo havemā ||
 7.029.04a uto ghā te puruṣyā id āsan yeṣām pūrveṣām aśṇor ṛṣiṇām |
 7.029.04c adhāham tvā maghavañ johavimi tvaṁ na indraṣi pramatih piteva ||
 7.029.05a vocemed indram maghavānam enam maḥo rāyo rādhaso yad dadan naḥ |
 7.029.05c yo arcato brahmakṛtim aviṣṭho yūyam pāta svastibhiḥ sadā naḥ ||

7.030.01a ā no deva śavaśā yāhi śuṣmin bhavā vṛdha indra rāyo asya |
 7.030.01c mahe nṛmṇāyā nṛpate suvajra mahi kṣatrāya paumśyāya sūra ||
 7.030.02a havanta u tvā havyam vivāci tanūṣu sūrāḥ sūryasya sātau |
 7.030.02c tvaṁ viśveṣu senyo janeṣu tvaṁ vṛtrāni randhayā suhantu ||
 7.030.03a ahā yad indra sudinā vyucchān dadho yat ketum upamaṁ samatsu |
 7.030.03c ny aḥniḥ sidad asuro na hotā huvāno atra subhagāya devān ||
 7.030.04a vāyam te tā indra ye ca deva stavanta sūra dadato maghāni |
 7.030.04c yacchā sūribhya upamaṁ varūtham svābhuvō jaraṇām aśnavanta ||
 7.030.05a vocemed indram maghavānam enam maḥo rāyo rādhaso yad dadan naḥ |
 7.030.05c yo arcato brahmakṛtim aviṣṭho yūyam pāta svastibhiḥ sadā naḥ ||

7.031.01a pra va indraya mādanam haryaśvāya gāyata |
 7.031.01c sakḥayaḥ somapāvne ||

7.031.02a śamsed uktham sudānava uta dyukṣam yathā narah |
 7.031.02c cakrmā satyarādhase ||
 7.031.03a tvaṁ nā indra vājayus tvaṁ gavyuḥ śatakrato |
 7.031.03c tvaṁ hiraṇyayur vaso ||
 7.031.04a vāyam indra tvāyavo 'bhi pra ṇonumo vṛṣan |
 7.031.04c viddhī tv aśya nō vaso ||
 7.031.05a mā nō nide ca vaktave 'ryo randhīr arāvne |
 7.031.05c tve apī kratur mama ||
 7.031.06a tvaṁ varmāsi saprathaḥ puroyodhas ca vṛtrahan |
 7.031.06c tvayā prati bruve yujā ||
 7.031.07a mahām utāsi yasya te 'nū svadhāvarī sahaḥ |
 7.031.07c maṁnāte indra rodāsī ||
 7.031.08a taṁ tvā marutvatī pari bhuvad vāṇī sayāvarī |
 7.031.08c nakṣamāṇā saha dyubhiḥ ||
 7.031.09a ūrdhvāsas tvānv indavo bhuvan dāsmam upa dyavi |
 7.031.09c saṁ te namanta kṛṣṭayaḥ ||
 7.031.10a pra vō mahe mahivṛdhe bharadhvam pracetase pra sūmatim kṛṇudhvam |
 7.031.10c viśaḥ pūrvīḥ pra carā carṣaṇiprāḥ ||
 7.031.11a uruvyacase mahine suvṛktim indrāya brahmā janayanta viprāḥ |
 7.031.11c tasya vratāni na minanti dhīrāḥ ||
 7.031.12a indraṁ vāṇīr anuttamanyum eva satrā rājānam dadhire sahadhyai |
 7.031.12c haryaśvāya barhayā sam āpīn ||

7.032.01a mo ṣu tvā vāghataś caṇāre asman ni rīraman |
 7.032.01c ārāttāc cit sadhamādāṁ nā ā gāhīha vā sann upa śrudhi ||
 7.032.02a ime hi te brahmakṛtaḥ sute sacā madhau na makṣa āsate |
 7.032.02c indre kāmaṁ jaritāro vasūyavo rathe na pādāṁ ā dadhuḥ ||
 7.032.03 rāyaskāmo vajrahastam sudakṣiṇam putro na pitarāṁ huve ||
 7.032.04a ima indrāya sunvire somāso dadhyāśiraḥ |
 7.032.04c tāṁ ā madāya vajrahasta pītaye haribhyām yāhy oka ā ||
 7.032.05a śravac chrutkāṇa iyate vasūnām nū cin no mardhiṣad girāḥ |
 7.032.05c sadyaś cid yaḥ sahasrāṇi śatā dadan nakir ditsantam ā minat ||
 7.032.06a sa vīro apratiṣkuta indreṇa sūśuve nṛbhiḥ |
 7.032.06c yas te gabhīrā savanāni vṛtrahan sunoty ā ca dhāvati ||
 7.032.07a bhavā varūtham maghavan maghonām yat samajāsi śardhataḥ |
 7.032.07c vi tvāhātasya vedanam bhajemahy ā dūnāśo bharā gayam ||
 7.032.08a sunotā somapāvne somam indrāya vajriṇe |
 7.032.08c pacatā paktir avase kṛṇudhvam it pṛṇann it pṛṇate mayāḥ ||
 7.032.09a mā sredhata somino dakṣatā mahe kṛṇudhvam rāya ātuje |
 7.032.09c taraṇīr ij jāyati kṣeti puṣyati na devāsaḥ kavātṇave ||
 7.032.10a nakīḥ sudāso ratham pary āsa na rīramat |

- 7.032.10c indro yasyāvitā yasya maruto gamat sa gomati vraje ||
- 7.032.11a gamad vājam vājayann indra martyo yasya tvam avitā bhuvah |
- 7.032.11c asmākam bodhy avitā rathānām asmākam śūra nṛṇām ||
- 7.032.12a ud in nv asya ricyate 'mśo dhanam na jigyuṣah |
- 7.032.12c ya indro harivān na dabhanti tam ripō daksam dadhāti somini ||
- 7.032.13a mantram akharvam sudhitam supeśasam dadhāta yajñiyeṣv ā |
- 7.032.13c pūrvīś cana prasitayas taranti tam ya indre karmanā bhuvat ||
- 7.032.14a kas tam indra tvāvasum ā martyo dadharṣati |
- 7.032.14c śraddhā it te maghavan pārye divi vājī vājam siśāsati ||
- 7.032.15a maghonaḥ sma vrtrahatyēsu codaya ye dadati priyā vasu |
- 7.032.15c tava praṇīti haryaśva sūribhir viśvā tarema duritā ||
- 7.032.16a taved indravamaṁ vasu tvam puṣyasi madhyamam |
- 7.032.16c satrā viśvasya paramasya rājasi nakiṣ tvā goṣu vr̥nvate ||
- 7.032.17a tvam viśvasya dhanadā asi śruto ya im bhavanty ājayaḥ |
- 7.032.17c tavāyam viśvaḥ puruhūta pārthivo 'vasyur nāma bhikṣate ||
- 7.032.18a yad indra yāvatas tvam etāvād aham īśiya |
- 7.032.18c stotāram id didhiṣeya radāvaso na pāpatvāyā rāsīya ||
- 7.032.19a śikṣeyam in mahayate dive-dive rāya ā kuhacidvide |
- 7.032.19c nahi tvad anyan maghavan na āpyam vasyo asti pitā cana ||
- 7.032.20a taranir it siśāsati vājam purandhyā yujā |
- 7.032.20c ā va indram puruhūtam name girā nemim taṣṭeva sudrvam ||
- 7.032.21a na duṣtutī martyo vindate vasu na sredhantam rayir naśat |
- 7.032.21c suśaktir in maghavan tubhyam māvate deṣnam yat pārye divi ||
- 7.032.22a abhi tvā śūra nonumo 'dugdhā iva dhenavaḥ |
- 7.032.22c īśānam asya jagataḥ swardrśam īśānam indra taṣṭhuṣah ||
- 7.032.23a na tvāvam anyo divyo na pārthivo na jāto na janiṣyate |
- 7.032.23c aśvāyanto maghavann indra vājino gavayantas tvā havāmahe ||
- 7.032.24a abhi śatas tad ā bharendra jyāyaḥ kaniyasah |
- 7.032.24c purūvasur hi maghavan sanād asi bhare-bhare ca havyaḥ ||
- 7.032.25a parā nudasva maghavann amitrān suvedā no vasu kṛdhi |
- 7.032.25c asmākam bodhy avitā mahādhane bhavā vr̥dhaḥ sakhinām ||
- 7.032.26a indra kratum na ā bhara pitā putrebhyo yathā |
- 7.032.26c śikṣā no asmin puruhūta yāmani jivā jyotir aśimahi ||
- 7.032.27a mā no ajñātā vrjanā durādhyo māśivāso ava kramuḥ |
- 7.032.27c tvayā vayam pravataḥ śasvatir apo 'ti śūra tarāmasi ||
- 7.033.01a svityaṅco mā dakṣiṇataskapardā dhiyañjinvāso abhi hi prāmanduḥ |
- 7.033.01c uttiṣṭhan voce pari barhiṣo nṛn na me dūrād avitave vasiṣṭhah ||
- 7.033.02a dūrād indram anayann ā sutena tiro vaiśantam ati pāntam ugram |
- 7.033.02c pāśadyumnasya vāyatasya somāt sutād indro 'vr̥nītā vasiṣṭhān ||
- 7.033.03a even nu kam sindhum ebhis tatāreven nu kam bhedam ebhir jaghāna |

- 7.033.03c even nu kaṁ dāśarājñe sudāsam prāvad indro brahmaṇā vo vasiṣṭhāḥ ||
- 7.033.04a juṣṭi naro brahmaṇā vaḥ pitṛṇām akṣam avyayaṁ na kilā riṣātha |
- 7.033.04c yac chakvarīṣu bṛhatā ravenendre śuṣmā adadhātā vasiṣṭhāḥ ||
- 7.033.05a ud dyām ivet tṛṣṇajo nāthitāso 'didhayur dāśarājñe vṛtāsaḥ |
- 7.033.05c vasiṣṭhasya stuvata indro aśrod urum tṛtsubhyo akṛnod u lokam ||
- 7.033.06a daṇḍā ived gojanāsa āsan paricchinnā bharaṭā arbhaḥkāsah |
- 7.033.06c abhavac ca puraetā vasiṣṭha ād it tṛtsūnām viśo aprathanta ||
- 7.033.07a trayah kṛṇvanti bhuvāneṣu retas tisrah prajā āryā jyotiragrāḥ |
- 7.033.07c trayo gharmāsa uśasam sacante sarvām it tāṁ anu vidur vasiṣṭhāḥ ||
- 7.033.08a sūryasyeva vakṣatho jyotir eṣām samudrasyeva mahimā gabhīrah |
- 7.033.08c vātasyeva prajavo nānyena stomo vasiṣṭhā anvetave vaḥ ||
- 7.033.09a ta in niṇyam hṛdayasya praketaiḥ sahasravalśam abhi sam caranti |
- 7.033.09c yamenā tatam paridhim vayanto 'psarasa upa sedur vasiṣṭhāḥ ||
- 7.033.10a vidyuto jyotiḥ pari sañjihānam mitrāvaruṇā yad apaśyatām tvā |
- 7.033.10c tat te janmotaikam vasiṣṭhāgastyo yat tvā viśa ājabhāra ||
- 7.033.11a utāsi maitrāvaruṇo vasiṣṭhorvaśyā brahmaṇ manaso 'dhi jātaḥ |
- 7.033.11c drapsam skannam brahmaṇā daivyena viśve devāḥ puṣkare tvādadanta ||
- 7.033.12a sa praketa ubhayasya pravidvān sahasradāna uta vā sadānaḥ |
- 7.033.12c yamenā tatam paridhim vāyisyann apsarasaḥ pari jajñe vasiṣṭhaḥ ||
- 7.033.13a satre hā jātāv iṣitā namobhiḥ kumbhe retah siśicatuh samānam |
- 7.033.13c tato hā māna ud iyāya madhyāt tato jātam ṛṣim āhur vasiṣṭham ||
- 7.033.14a ukthabhṛtam sāmabhṛtam bibharti grāvāṇam bibhrat pra vadāty agre |
- 7.033.14c upainam ādhvam sumanasyamānā ā vo gacchāti pratṛdo vasiṣṭhaḥ ||
- 7.034.01 pra śukraitu devī maṇiṣā asmat sutasṭo ratho na vājī ||
- 7.034.02 viduḥ pṛthivyā divo janitram śṛṇvanti āpo adha kṣarantiḥ ||
- 7.034.03 āpaś cid asmaḥ pinvanta pṛthvīr vṛtreṣu sūrā māmsanta ugrāḥ ||
- 7.034.04 ā dhūrsv asmaḥ dadhātāśvān indro na vajrī hiraṇyabāhuḥ ||
- 7.034.05 abhi pra sthātāheva yajñam yāteva patman tmanā hinota ||
- 7.034.06 tmanā samatsu hinota yajñam dadhāta ketum janāya vīram ||
- 7.034.07 ud asya śuṣmād bhānur nārta bibharti bhāram pṛthivī na bhūmaḥ ||
- 7.034.08 hvayāmi devām ayātur agne sādhan rtena dhiyam dadhāmi ||
- 7.034.09 abhi vo devīm dhiyam dadhidhvam pra vo devatrā vācam kṛnudhvam ||
- 7.034.10 ā caṣṭa āsām pātho nadīnām varuṇa ugrāḥ sahasracakṣāḥ ||
- 7.034.11 rājā rāṣṭrānām peśo nadīnām anuttam asmaḥ kṣatram viśvāyu ||
- 7.034.12 aviṣṭo asmān viśvāsu vikṣv adyūm kṛṇota śamsam ninitsoḥ ||
- 7.034.13 vy etu didyud dviṣām aśevā yuyota viśvag rapas tanūnām ||
- 7.034.14 avīn no agnir havyān namobhiḥ preṣṭho asmā adhāyi stomah ||
- 7.034.15 sajūr devebhir apām napātām sakhāyam kṛdhvam śivo no astu ||
- 7.034.16 abjām ukthair ahim grñiṣe budhne nadīnām rajassu śīdan ||
- 7.034.17 mā no 'hir budhnyo riṣe dhān mā yajño asya sridhad ṛtāyoḥ ||

7.034.18 uta na eṣu nr̥ṣu śravo dhuh pra rāye yantu śardhanto aryah ||
 7.034.19 tapanti śatrum̄ svaḥ na bhūmā mahāsenāso amebhir eṣām ||
 7.034.20 ā yan naḥ patnīr gamanty acchā tvaṣṭā supānir dadhātu vīrān ||
 7.034.21 prati na stomam̄ tvaṣṭā juṣeta syād asme aramatir vasūyuh ||
 7.034.22a tā no rāsan rātiṣāco vasūny ā rodasī varuṇānī śr̥notu |
 7.034.22c varūtr̥ibhiḥ suśaraṇo no astu tvaṣṭā sudatro vi dadhātu rāyah ||
 7.034.23a tan no rāyah parvatās tan na āpas tad rātiṣāca ośadhīr uta dyauh |
 7.034.23c vanaspatibhiḥ pṛthivī sajoṣā ubhe rodasī pari pāsato naḥ ||
 7.034.24a anu tad urvī rodasī jihātām anu dyukṣo varuṇa indrasakhā |
 7.034.24c anu viśve maruto ye saḥāso rāyah syāma dharuṇam̄ dhiyadhyai ||
 7.034.25a tan na indro varuṇo mitro agnir āpa ośadhīr vanino juṣanta |
 7.034.25c śarman syāma marutām upasthe yūyam pāta svastibhiḥ sadā naḥ ||

7.035.01a śam na indrāgnī bhavatām avobhiḥ śam na indravaruṇā rātahavyā |
 7.035.01c śam indrāsomā suvitāya śam yoḥ śam na indrāpūṣaṇā vājasātau ||
 7.035.02a śam no bhagaḥ śam u naḥ śamsō astu śam naḥ purandhiḥ śam u santu rāyah |
 7.035.02c śam naḥ satyasya suyamasya śamsaḥ śam no aryamā purujāto astu ||
 7.035.03a śam no dhātā śam u dhartā no astu śam na urūcī bhavatu svadhābhiḥ |
 7.035.03c śam rodasī br̥hātī śam no adriḥ śam no devānām suhavāni santu ||
 7.035.04a śam no agnir jyotiranīko astu śam no mitravaruṇāv aśvinā śam |
 7.035.04c śam naḥ sukṛtām sukṛtāni santu śam na iṣiro abhi vātu vātaḥ ||
 7.035.05a śam no dyāvāpṛthivī pūrvahūtau śam antarikṣam̄ dṛśaye no astu |
 7.035.05c śam na ośadhīr vanino bhavantu śam no rajasas patir astu jiṣṇuh ||
 7.035.06a śam na indro vasubhir devo astu śam ādityebhir varuṇaḥ suśamsaḥ |
 7.035.06c śam no rudro rudrebhir jalāṣaḥ śam naḥ tvaṣṭā gnābhir iha śr̥notu ||
 7.035.07a śam naḥ somo bhavatu brahma śam naḥ śam no grāvānaḥ śam u santu yajñāḥ |
 7.035.07c śam naḥ svaruṇām mitayo bhavantu śam naḥ prasvalḥ śam v astu vedih ||
 7.035.08a śam naḥ sūrya urucakṣā ud etu śam naḥ catasraḥ pradīso bhavantu |
 7.035.08c śam naḥ parvatā dhruvayo bhavantu śam naḥ sindhavaḥ śam u santv āpaḥ ||
 7.035.09a śam no aditir bhavatu vrātebhiḥ śam no bhavantu marutaḥ svarkāḥ |
 7.035.09c śam no viṣṇuh śam u pūṣā no astu śam no bhavitram̄ śam v astu vāyuh ||
 7.035.10a śam no devaḥ savitā trāyamānaḥ śam no bhavantūṣaso vibhātīḥ |
 7.035.10c śam naḥ parjanyaḥ bhavatu prajābhyaḥ śam naḥ kṣetrasya patir astu śambhuḥ ||
 7.035.11a śam no devā viśvadevā bhavantu śam sarasvatī saha dhībhir astu |
 7.035.11c śam abhiṣācaḥ śam u rātiṣācaḥ śam no divyāḥ pāṛthivāḥ śam no apyāḥ ||
 7.035.12a śam naḥ satyasya patayo bhavantu śam no arvantaḥ śam u santu gāvāḥ |
 7.035.12c śam na rbhavaḥ sukṛtaḥ suhastāḥ śam no bhavantu pitaro haveṣu ||
 7.035.13a śam no aja ekapād devo astu śam no hir budhnyaḥ śam samudraḥ |
 7.035.13c śam no apām napāt perur astu śam naḥ pṛṣnir bhavatu devagopā ||
 7.035.14a ādityā rudrā vasavo juṣantedam brahma kriyamāṇam̄ navīyah |
 7.035.14c śr̥nvantu no divyāḥ pāṛthivāso gojātā uta ye yajñiyāsaḥ ||

7.035.15a ye devānām yajñiyā yajñiyānām manor yajatrā amṛtā ṛtajñāḥ |
7.035.15c te no rāsantām urugāyam adya yūyam pāta svastibhiḥ sadā naḥ ||

7.036.01a pra brahmaitu sadanād ṛtasya vi raśmibhiḥ sasṛje sūryo gāḥ |
7.036.01c vi sānūnā pṛthivī sāsa urvī pṛthu pratikam adhy edhe agniḥ ||
7.036.02a imām vām mitrāvaruṇā suvṛktim iṣam na kṛṇve asurā navīyaḥ |
7.036.02c ino vām anyah padavīr adabdho janam ca mitro yatati bruvāṇaḥ ||
7.036.03a ā vātasya dhrajato ranta ityā apīpayanta dhenavo na sūdāḥ |
7.036.03c maho divaḥ sadane jāyamāno cikradad vṛṣabhaḥ sasminn ūdhan ||
7.036.04a girā ya etā yunajad dharī ta indra priyā surathā sūra dhāyū |
7.036.04c pra yo manyum ririkṣato mināty ā sukratum aryamaṇam vavrtyām ||
7.036.05a yajante asya sakhyam vayaś ca namaṣvinaḥ sva ṛtasya dhāman |
7.036.05c vi pṛkṣo bābadhe nṛbhi stavāna idam namo rudrāya preṣṭham ||
7.036.06a ā yat sākam yaśaso vāvaśānāḥ sarasvatī saptathī sindhumātā |
7.036.06c yāḥ suṣvayanta sudughāḥ sudhārā abhi svena payasā pīpyānāḥ ||
7.036.07a uta tye no maruto mandasānā dhiyam tokaḥ ca vājino vantu |
7.036.07c mā naḥ pari khyad akṣarā caranty avivṛdhan yujyam te rayim naḥ ||
7.036.08a pra vo mahim aramatim kṛṇudhvam pra pūṣaṇam vidathyaḥ na vīram |
7.036.08c bhagam dhiyo vitāram no aśyāḥ sātau vājam rātiśācam purandhim ||
7.036.09a acchāyam vo marutaḥ śloka etv acchā viṣnum niṣikṭapām avobhiḥ |
7.036.09c uta prajāyai gṛṇate vayo dhur yūyam pāta svastibhiḥ sadā naḥ ||

7.037.01a ā vo vāhiṣṭho vahatu stavadhyai ratho vājā ṛbhukṣaṇo amṛktaḥ |
7.037.01c abhi triprṣṭhaiḥ savāneṣu somair madē suśiprā mahabhiḥ pṛṇadhvam ||
7.037.02a yūyam ha ratnam maghavatsu dhattha svarḍṛśā ṛbhukṣaṇo amṛktaḥ |
7.037.02c sam yajñeṣu svadhāvantaḥ pibadhvam vi no rādhāmsi matibhir dayadhvam ||
7.037.03a uvocitha hi maghavan deṣnam maho arbhasya vasuno vibhāge |
7.037.03c ubhā te pūrṇā vasunā gabhastī na sūnṛtā ni yamate vasavyā ||
7.037.04a tvam indra svayaśā ṛbhukṣā vājo na sādhu astam eṣy ṛkvā |
7.037.04c vāyam nu te dāśvāmsaḥ syāma brahmā kṛṇvanto harivo vasiṣṭhāḥ ||
7.037.05a sanitāsi pravato dāśuṣe cid yābhir viveṣo haryaśva dhībhiḥ |
7.037.05c vāvanmā nu te yujyābhir ūti kadā na indra rāya ā daśasyeḥ ||
7.037.06a vāsayasiva vedhasas tvam naḥ kadā na indra vacaso bubodhaḥ |
7.037.06c astam tātyā dhiyā rayim svīram pṛkṣo no arvā ny uhīta vājī ||
7.037.07a abhi yam devī nirṛtiś cid iśe nakṣanta indram śaradaḥ supṛkṣaḥ |
7.037.07c upa tribandhur jaradaṣṭim ety asvaveśam yam kṛṇavanta martāḥ ||
7.037.08a ā no rādhāmsi savita stavadhyā ā rāyo yantu parvatasya rātau |
7.037.08c sadā no divyaḥ pāyuh siṣaktu yūyam pāta svastibhiḥ sadā naḥ ||

7.038.01a ud u sya devaḥ savitā yayāma hiraṇyayim amatim yam aśīśret |
7.038.01c nūnam bhago havyo mānuṣebhir vi yo ratnā purūvasur dadhāti ||

7.038.02a ud u tiṣṭha savitaḥ śrudhy aśya hiranyapāṇe prabhṛtāv ṛtasya |
 7.038.02c vy uṛvīm pṛthvīm amatīm srjāna ā nr̥bhyo martabhojanam suvānaḥ ||
 7.038.03a apī ṣṭutaḥ savitā devo astu yam ā cid viśve vasavo gr̥ṇanti |
 7.038.03c sa na stomān namasyaśś cano dhād viśvebhiḥ pātu pāyubhir ni sūrīn ||
 7.038.04a abhi yam devy aditir gr̥ṇāti savam devasya savitur juṣānā |
 7.038.04c abhi samrājo varuṇo gr̥ṇanty abhi mītrāso aryamā sajoṣāḥ ||
 7.038.05a abhi ye mitho vanuṣāḥ sapante rātim divo rātiśācaḥ pṛthivyāḥ |
 7.038.05c ahir budhnya uta naḥ śṛnotu varūtry ekadhenubhir ni pātu ||
 7.038.06a anu tan no jāspatir mamśiṣṭa ratnam devasya savitur iyānaḥ |
 7.038.06c bhagam ugro 'vase johavīti bhagam anugro adha yāti ratnam ||
 7.038.07a śam no bhavantu vājino haveṣu devatātā mītradraḥ svarkāḥ |
 7.038.07c jambhayanto 'him vṛkām raksāmsi sanemy asmad yuyavann amivāḥ ||
 7.038.08a vāje-vāje 'vata vājino no dhaneṣu viprā amṛtā ṛtajñāḥ |
 7.038.08c asya madhvaḥ pibata mādayadhvam trptā yāta pathibhir devayānaiḥ ||

7.039.01a ūrdhvo agniḥ sumatīm vasvo aśret pratīcī jūrñir devatātim eti |
 7.039.01c bhejāte adri rathyeva panthām ṛtam hotā na iṣito yajāti ||
 7.039.02a pra vāvṛje suprayā barhir eṣām ā viśpativa bīriṭa iyāte |
 7.039.02c viśām aktor uṣasaḥ pūrvahūtau vāyuh pūṣā svastaye niyutvān ||
 7.039.03a jmayā atra vasavo ranta devā urāv antarikṣe marjayanta śubhrāḥ |
 7.039.03c arvāk patha urujrayaḥ kṛnudhvam śrotā dūtasya jagmuṣo no asya ||
 7.039.04a te hi yajñeṣu yajñiyāsa ūmāḥ sadhastham viśve abhi santi devāḥ |
 7.039.04c tāṃ adhvara uśato yakṣy agne śruṣṭi bhagam nāsatyā purandhim ||
 7.039.05a āgne giro diva ā pṛthivyā mītram vaha varuṇam indram agnim |
 7.039.05c āryamaṇam aditīm viṣṇum eṣām sarasvatī maruto mādayantām ||
 7.039.06a rare havyam matibhir yajñiyānām nakṣat kāmam martyānām asinvan |
 7.039.06c dhātā rayim avidasyam sadāsām saksīmahi yuyebhir nu devaiḥ ||
 7.039.07a nū rodasī abhiṣṭute vasiṣṭhair ṛtāvāno varuṇo mītro agniḥ |
 7.039.07c yacchantu candrā upamam no arkam yūyam pāta svastibhiḥ sadā naḥ ||

7.040.01a o śruṣṭir vidathyāś sam etu prati stomam dadhīmahī turānām |
 7.040.01c yad adya devaḥ savitā suvāti syāmāsyā ratnino vibhāge ||
 7.040.02a mītras tan no varuṇo rodasī ca dyubhaktam indro aryamā dadātu |
 7.040.02c dideṣtu devy aditī rekno vāyus ca yan niyuvāite bhagaś ca ||
 7.040.03a sed ugro astu marutaḥ sa śuṣmī yam martyam pṛsadaśvā avātha |
 7.040.03c utem agniḥ sarasvatī junanti na tasyā rāyaḥ paryetāsti ||
 7.040.04a ayam hi netā varuṇa ṛtasya mītro rājāno aryamāpo dhuh |
 7.040.04c suhavā devy aditir anarvā te no amho ati parṣann ariṣṭān ||
 7.040.05a asya devasya mīlhuṣo vayā viṣnor eṣasya prabhṛthe havirbhiḥ |
 7.040.05c vide hi rudro rudriyam mahitvam yāsiṣṭam vartir aśvināv irāvat ||
 7.040.06a mātra pūṣann āghṛṇa irasyo varūtrī yad rātiśācaś ca rāsan |

7.040.06c mayobhuvō no arvanto ni pāntu vṛṣṭim pariḥmā vāto dadātu ||
 7.040.07a nū rodāsī abhiṣṭute vasiṣṭhair ṛtāvāno varuṇo mitro agniḥ |
 7.040.07c yacchantu candrā upamaṁ nō arkaṁ yūyam pāta svastibhiḥ sadā naḥ ||

7.041.01a prātar agnim prātar indram havāmahe prātar mitrāvaruṇā prātar aśvinā |
 7.041.01c prātar bhagam pūṣaṇam brahmaṇas patim prātaḥ somam uta rudram huvema ||
 7.041.02a prātarjitam bhagam ugram huvema vayam putram aditer yo vidhartā |
 7.041.02c ādhraś cid yam manyamānas turaś cid rājā cid yam bhagam bhakṣity āha ||
 7.041.03a bhaga pranetar bhaga satyarādho bhagemām dhiyam ud avā dadan naḥ |
 7.041.03c bhaga pra nō janaya gobhir aśvair bhaga pra nrbhir nrvantaḥ syāma ||
 7.041.04a utedānim bhagavantaḥ syāmota prāpitva uta madhye ahnām |
 7.041.04c utoditā maghavan sūryasya vayam devānām sumatau syāma ||
 7.041.05a bhaga eva bhagavām astu devās tena vayam bhagavantaḥ syāma |
 7.041.05c tam tvā bhaga sarva ij johavīti sa nō bhaga puraetā bhaveha ||
 7.041.06a sam adhvarāyoṣaso namanta dadhikrāveva śucaye padāya |
 7.041.06c arvācīnam vasuvidam bhagam nō ratham ivāsvā vājina ā vahantu ||
 7.041.07a aśvavatir gomatir na uśāso vīravatiḥ sadam ucchantu bhadraḥ |
 7.041.07c ghṛtam duhānā viśvataḥ prapitā yūyam pāta svastibhiḥ sadā naḥ ||

7.042.01a pra brahmāno aṅgirasō nakṣanta pra krandanur nabhanyasya vetu |
 7.042.01c pra dhenava udapruto navanta yujyātām adri adhvarasya peśaḥ ||
 7.042.02a sugas te agne sanavitto adhvā yukṣvā sute harito rohitaś ca |
 7.042.02c ye vā sadmann aruṣā vīravāho huve devānām janimāni sattaḥ ||
 7.042.03a sam ū vo yajñam mahayan namobhiḥ pra hotā mandro ririca upāke |
 7.042.03c yajasva su purvaṅika devān ā yajñiyām aramatim vavṛtyāḥ ||
 7.042.04a yadā vīrasya revato durone syonaśir atithir āciketat |
 7.042.04c suprito agniḥ sudhito dama ā sa viśe dāti vāryam iyatyai ||
 7.042.05a imam nō agne adhvaram juśasva marutsv indre yaśasam kṛdhī naḥ |
 7.042.05c ā naktā barhiḥ sadatām uśāsośantā mitrāvaruṇā yajeḥa ||
 7.042.06a evāgnim sahasya līm vasiṣṭho rāyaskāmo viśvapsnyasya staut |
 7.042.06c iṣam rayim paprathad vājam asme yūyam pāta svastibhiḥ sadā naḥ ||

7.043.01a pra vo yajñeṣu devayanto arcān dyāvā namobhiḥ pṛthivī iśadhyai |
 7.043.01c yeśām brahmāny asamāni viprā viśvag viyanti vaniṇo na śākhāḥ ||
 7.043.02a pra yajña etu hetvo na saptir ud yacchadhvam samanāso ghṛtāciḥ |
 7.043.02c strñita barhir adhvarāya sādihurdhvā śocimṣi devayūny āsthuḥ ||
 7.043.03a ā putrāso na mātaram vibhṛtrāḥ sānau devāso barhiṣaḥ sadantu |
 7.043.03c ā viśvāci vidathyām anaktv agne mā nō devatātā mṛdhas kaḥ ||
 7.043.04a te siśapanta joṣam ā yajatrā rtasya dhārāḥ sudughā duhānāḥ |
 7.043.04c jyeṣṭham vo adya maḥā ā vasūnām ā gantana samanāso yaṭi ṣṭha ||
 7.043.05a evā nō agne vikṣv ā daśasya tvayā vayam sahasāvann āskrāḥ |

7.043.05c rāyā yujā sadhamādo ariṣṭā yūyam pāta svastibhiḥ sadā naḥ ||

7.044.01a dadhikrām vaḥ prathamam aśvinoṣasam agnim samiddham bhagam utaye huve |

7.044.01c indram viṣṇum puṣaṇam brahmaṇas patim ādityān dyāvāpṛthivī apah svah ||

7.044.02a dadhikrām u namasā bodhayanta udīrānā yajñam upaprayantaḥ |

7.044.02c ilām devīm barhiṣi sādāyanto 'śvinā viprā suhavā huvema ||

7.044.03a dadhikrāvānam bubudhāno agnim upa bruva uṣasam sūryam gām |

7.044.03c bradhnam māṁscator varuṇasya babhrum te viśvāsmad duritā yāvayantu ||

7.044.04a dadhikrāvā prathamo vājy arvāgre rathānām bhavati prajānan |

7.044.04c samvidāna uṣasā sūryeṇādityebhir vasubhir aṅgirobhiḥ ||

7.044.05a ā no dadhikrāḥ pathyām anaktv rtasya panthām anvetavā u |

7.044.05c śṛnotu no daivyaṁ śardho agniḥ śṛnvantu viśve mahiṣā amūrāḥ ||

7.045.01a ā devo yātu savitā suratno 'ntarikṣaprā vahamāno aśvaiḥ |

7.045.01c haste dadhāno naryā puruṇi niveśayaṅ ca prasuvaṅ ca bhūma ||

7.045.02a ud āsya bāhū śithirā brhantā hiraṇyayā divo antāṁ anaṣṭam |

7.045.02c nūnam so āsya mahimā paṇiṣṭa sūras cid asmā anu dād apasyām ||

7.045.03a sa ghā no devaḥ savitā sahāvā sāviṣad vasupatir vasūni |

7.045.03c viśrayamāno amatim urūcīm martabhojanam adhā rāsate naḥ ||

7.045.04a imā girah savitāram sujihvam pūrṇagabhastim ilate supānim |

7.045.04c citram vayo brhad asme dadhātu yūyam pāta svastibhiḥ sadā naḥ ||

7.046.01a imā rudrāya sthiradhanvane girah kṣipreṣave devāya svadhāvne |

7.046.01c aśālhāya sahamānāya vedhasē tigmāyudhāya bharatā śṛnotu naḥ ||

7.046.02a sa hi kṣayeṇa kṣamyasya janmanaḥ sāmrājyena divyasya cetati |

7.046.02c avann avantir upa no duras carānamivo rudra jāsu no bhava ||

7.046.03a yā te didyud avasrṣṭā divas pari kṣmayā carati pari sā vṛnaktu naḥ |

7.046.03c sahasram te svapivāta bheṣajā mā nas tokeṣu tanayeṣu rīriṣaḥ ||

7.046.04a mā no vadhī rudra mā parā dā mā te bhūma prasitau hilitasya |

7.046.04c ā no bhaja barhiṣi jivaśamse yūyam pāta svastibhiḥ sadā naḥ ||

7.047.01a āpo yaṁ vaḥ prathamam devayanta indrapānam ūrmim akr̥vatelaḥ |

7.047.01c tam vo vyaṁ śucim aripram adya ghṛtapruṣam madhumantaṁ vanema ||

7.047.02a tam ūrmim āpo madhumattamaṁ vo 'pām napād avatv āśuhemā |

7.047.02c yasminn indro vasubhir mādayāte tam āsyāma devayanto vo adya ||

7.047.03a śatapavitrah svadhayā madantir devir devānām api yanti pāthaḥ |

7.047.03c tā indrasya na minanti vratāni sindhubhyo havyam ghṛtavaj juhota ||

7.047.04a yāḥ sūryo raśmibhir ātatāna yābhya indro aradad gātum ūrmim |

7.047.04c te sindhavo varivo dhātānā no yūyam pāta svastibhiḥ sadā naḥ ||

7.048.01a rbhukṣaṇo vājā mādayadhvam asme nāro maghavānaḥ sutasya |

- 7.048.01c ā vo 'rvācaḥ kratavo na yātām vibhvo rathaṁ naryam vartayantu ||
- 7.048.02a ṛbhur ṛbhubhir abhi vaḥ syāma vibhvo vibhubhiḥ śavasā śavāmsi ||
- 7.048.02c vājo asmāṁ avatu vājasātāv indreṇa yujā taruṣema vṛtram ||
- 7.048.03a te cid dhi pūrvir abhi santi śāsā viśvām aṛya uparatāti vanvan |
- 7.048.03c indro vibhvām ṛbhukṣā vājo aṛyaḥ śatror mithatyā kṛṇavan vi nṛmnam ||
- 7.048.04a nū devāso varivaḥ kartanā no bhūta no viśve vase sajoṣāḥ |
- 7.048.04c sam asme iṣam vasavo dadīran yūyam pāta svastibhiḥ sadā naḥ ||
-
- 7.049.01a samudrajiyeṣṭhāḥ salilasya madhyāt punānā yanty anivīsamānāḥ |
- 7.049.01c indro yā vajrī vṛṣabho rarāda tā āpo devīr iha mām avantu ||
- 7.049.02a yā āpo divyā uta vā sravanti khanitrimā uta vā yāḥ svayañjāḥ |
- 7.049.02c samudrārthā yāḥ śucayaḥ pāvākās tā āpo devīr iha mām avantu ||
- 7.049.03a yāsām rājā varuṇo yāti madhye satyanṛte avapaśyañ janānām |
- 7.049.03c madhuścutaḥ śucayo yāḥ pāvākās tā āpo devīr iha mām avantu ||
- 7.049.04a yāsu rājā varuṇo yāsu somo viśve devā yāsūrjam madānti |
- 7.049.04c vaiśvānaro yāsv agniḥ praviṣṭas tā āpo devīr iha mām avantu ||
-
- 7.050.01a ā mām mitrāvaruṇeḥ rakṣatām kulāyayād viśvayan mā na ā gān |
- 7.050.01c ajakāvam durdrśikam tiro dadhe mā mām padyeṇa rapasā vidat tsaruḥ ||
- 7.050.02a yad vijāman paruṣi vandanam bhuvad aṣṭhivantau pari kulphau ca dehat |
- 7.050.02c agniṣ ṭac chocann apa bādhatām ito mā mām padyeṇa rapasā vidat tsaruḥ ||
- 7.050.03a yac chālmalau bhavati yan nadīṣu yad oṣadhībhyaḥ pari jāyate viṣam |
- 7.050.03c viśve devā nir itas tat suvantu mā mām padyeṇa rapasā vidat tsaruḥ ||
- 7.050.04a yāḥ pravato nivata udvata udanvatīr anudakās ca yāḥ |
- 7.050.04c tā asmaḥ payasā pinvāmānāḥ śivā devīr aśipadā bhavantu sarvā nadyo aśimidā bhavantu ||
-
- 7.051.01a ādityānām avasā nūtanena sakṣīmaḥ śarmanā śantāmena |
- 7.051.01c anāgāstve aditīve turāsā imam yajñam dadhatu śroṣamānāḥ ||
- 7.051.02a ādityāso aditir mādayantām mitro aṛyamā varuṇo rajīṣṭhāḥ |
- 7.051.02c asmākām santu bhuvanasya gopāḥ pibantu somam avase no adya ||
- 7.051.03a ādityā viśve marutaś ca viśve devāś ca viśvā ṛbhavaś ca viśve |
- 7.051.03c indro agnir aśvinā tuṣṭuvānā yūyam pāta svastibhiḥ sadā naḥ ||
-
- 7.052.01a ādityāso aditayaḥ syāma pūr devatrā vasavo martyatrā |
- 7.052.01c sanēma mitrāvaruṇā sananto bhavema dyāvapṛthivī bhavantaḥ ||
- 7.052.02a mitras tan no varuṇo māmahanta śarmā tokāya tanayāya gopāḥ |
- 7.052.02c mā vo bhujemānyajātām eno mā tat karma vasavo yac cayadhve ||
- 7.052.03a turanyavo ṅgirasō naksanta ratnam devasya savitur iyānāḥ |
- 7.052.03c pitā ca tan no mahān yajatro viśve devāḥ samanaso juṣanta ||

7.053.01a pra dyāvā yajñaiḥ pṛthivī namobhiḥ sabādha īle br̥hatī yajatre |
 7.053.01c te cid dhi pūrve kavayo gr̥nantaḥ puro mahī dādhire devapūtre ||
 7.053.02a pra pūrvaje pitarā navyasībhīr gīrbhiḥ kṛnudhvam sadane rtasya |
 7.053.02c ā no dyāvāpṛthivī daivyena janena yātam mahi vām varūtham ||
 7.053.03a uto hi vām ratnadheyāni santi purūni dyāvāpṛthivī sudāse |
 7.053.03c asme dhattam yad asad askṛdhoyu yūyam pāta svastibhiḥ sadā naḥ ||

7.054.01a vāstoḥ pate prati jānihy asmān svāveśo anamīvo bhavā naḥ |
 7.054.01c yat tvemahe prati tan no juṣasva śam no bhava dvipade śam catuṣpade ||
 7.054.02a vāstoḥ pate pratarāno na edhi gayasphāno gobhir aśvebhīr indo |
 7.054.02c ajarāsas te sakhye syāma piteva putrān prati no juṣasva ||
 7.054.03a vāstoḥ pate śagmayā saṁsadā te sakṣimahi raṅvayā gātumatyā |
 7.054.03c pāhi kṣema uta yoge varam no yūyam pāta svastibhiḥ sadā naḥ ||

7.055.01a amīvahā vāstoḥ pate viśvā rūpāny āviśan |
 7.055.01c sakhā suśeva edhi naḥ ||
 7.055.02a yad arjuna sārameya dataḥ piśaṅga yacchase |
 7.055.02c viva bhrājanta rṣṭaya upa srakveṣu bapsato ni ṣu svāpa ||
 7.055.03a stenam rāya sārameya taskaram vā punaḥsara |
 7.055.03c stotṛn indrasya rāyasi kim asmān ducchunāyase ni ṣu svāpa ||
 7.055.04a tvam sūkarasya dardṛhi tava dardartu sūkaraḥ |
 7.055.04c stotṛn indrasya rāyasi kim asmān ducchunāyase ni ṣu svāpa ||
 7.055.05a sastu mātā sastu pitā sastu śvā sastu viśpatiḥ |
 7.055.05c sasantu sarve jñātayaḥ sastv ayam abhito janaḥ ||
 7.055.06a ya āste yaś ca carati yaś ca paśyati no janaḥ |
 7.055.06c teṣām sam hanmo akṣāni yathedaṁ harmyam tathā ||
 7.055.07a sahasraśṛṅgo vṛṣabho yaḥ samudrād udācarat |
 7.055.07c tenā sahasyenā vāyam ni janān svāpayāmasi ||
 7.055.08a proṣṭheśayā vahyeśayā nārīr yās talpaśīvarīḥ |
 7.055.08c striyo yāḥ puṇyagandhās tāḥ sarvāḥ svāpayāmasi ||

7.056.01a ka im vyaktā naraḥ sanilā rudrasya maryā adha svaśvāḥ ||
 7.056.02a nakir hy eśām janūmsi veda te aṅga vidre mitho janitram ||
 7.056.03a abhi svapūbhīr mitho vapanta vātasvanasaḥ śyenā aspr̥dhran ||
 7.056.04a etāni dhīro niṇyā ciketa pṛsnir yad ūdho mahi jābhāra ||
 7.056.05a sā viṣṭ suvirā marudbhīr astu sanāt sahanṭi puṣyanti nṛmnam ||
 7.056.06a yāmam yeṣṭhāḥ śubhā śobhiṣṭhāḥ śriyā sammiślā ojobhir ugrāḥ ||
 7.056.07a ugram va oja sthirā śavāmsy adhā marudbhīr gaṇas tuviṣmān ||
 7.056.08a śubhro vaḥ śuśmaḥ krudhmī manāmsi dhunir munir iva śardhasya dhr̥ṣṇoḥ ||
 7.056.09a sanemy asmad yuyota didyum mā vo durmatir iha praṇān naḥ ||
 7.056.10a priyā vo nāma huve turānām ā yat tṛpan maruto vāvaśānāḥ ||

7.056.11a svāyudhāsa iṣmiṇaḥ suniṣkā uta svayaṃ tanvaḥ śumbhamānāḥ ||
 7.056.12a śuci vo havya marutaḥ śucinām śucim hinomy adhvaṃ śucibhyaḥ |
 7.056.12c rtena satyam ṛtasāpa āyañ chucijanmānaḥ śucayaḥ pāvakāḥ ||
 7.056.13a aṃseṣv ā marutaḥ khādayo vo vakṣassu rukmā upaśisriyānāḥ |
 7.056.13c vi vidyuto na vṛṣṭibhī rucānā anu svadhām āyudhair yacchamānāḥ ||
 7.056.14a pra budhnyā va irate mahāmsi pra nāmāni prayajyavas tiradhvam |
 7.056.14c sahasriyam dāmyam bhāgam etaṃ grhamedhīyam maruto juṣadhvam ||
 7.056.15a yadi stutasya maruto adhithetthā viprasya vājino havīman |
 7.056.15c makṣū rāyaḥ suvīryasya dāta nū cid yam anya ādabhad arāvā ||
 7.056.16a atyāso na ye marutaḥ svañco yakṣadrśo na śubhayanta maryāḥ |
 7.056.16c te harmyeṣṭhāḥ śiśavo na śubhrā vatsāso na prakrīlinaḥ payodhāḥ ||
 7.056.17a daśasyanto no maruto mṛlantu varivaśyanto rodasī sumeke |
 7.056.17c āre gohā nrhā vadho vo astu sumnebhīr asme vasavo namadhvam ||
 7.056.18a ā vo hotā johavīti sattaḥ satrācīm rātim maruto grṇānaḥ |
 7.056.18c ya ivato vṛṣaṇo asti gopāḥ so advayāvī havate va ukthaiḥ ||
 7.056.19a ime turam maruto rāmayantīme sahaḥ sahasa ā namanti |
 7.056.19c ime śamsam vanuśyato ni pānti guru dveṣo araruṣe dadhanti ||
 7.056.20a ime radhraṃ cin maruto junanti bhrmim cid yathā vasavo juṣanta |
 7.056.20c apa bādhadhvaṃ vṛṣaṇas tamāmsi dhatta viśvaṃ tanayam tokam asme ||
 7.056.21a mā vo dātṛān maruto nir arāma mā paścād daghma rathyo vibhāge |
 7.056.21c ā na spārhe bhajatanā vasavye yad im sujātam vṛṣaṇo vo asti ||
 7.056.22a sam yad dhananta manyubhir janāsaḥ sūrā yahviṣv ośadhīṣu vikṣu |
 7.056.22c adha smā no maruto rudriyāsas trātāro bhūta pṛtanāsv ariyaḥ ||
 7.056.23a bhūri cakra marutaḥ pitryāny ukthāni yā vaḥ śasyante purā cit |
 7.056.23c marudbhīr ugrāḥ pṛtanāsu sālha marudbhīr it sanitā vājam arvā ||
 7.056.24a asme viro marutaḥ śuśmy astu janānām yo asuro vidhartā |
 7.056.24c apo yena suksitaye taremadha svam oko abhi vaḥ syāma ||
 7.056.25a tan na indro varuṇo mitro agnir āpa ośadhīr vanino juṣanta |
 7.056.25c śarman syāma marutām upasthe yūyam pāta svastibhiḥ sadā naḥ ||

7.057.01a madhvo vo nāma mārutaṃ yajatrāḥ pra yajñeṣu śavasā madanti |
 7.057.01c ye rejayanti rodasī cid urvī pinvanty utsam yad ayāsur ugrāḥ ||
 7.057.02a nicetāro hi maruto grṇantam prañetāro yajamānasya manma |
 7.057.02c asmākam adya vidatheṣu barhir ā vītaye sadata pipriyānāḥ ||
 7.057.03a naitāvad anye maruto yatheme bhrājante rukmair āyudhais tanūbhiḥ |
 7.057.03c ā rodasī viśvapiśaḥ piśānāḥ samānam añjy añjate śubhe kam ||
 7.057.04a rdhak sā vo maruto didyud astu yad va āgaḥ puruṣatā karāma |
 7.057.04c mā vas tasyām api bhūmā yajatrā asme vo astu sumatiś caniṣṭhā ||
 7.057.05a kṛte cid atra maruto rañantānavadyāsaḥ śucayaḥ pāvakāḥ |
 7.057.05c pra no vata sumatibhir yajatrāḥ pra vājebhis tirata puṣyase naḥ ||
 7.057.06a uta stutāso maruto vyantu viśvebhīr nāmabhīr naro havīmṣi |

7.057.06c dadāta no amṛtasya prajāyai jigṛta rāyaḥ sūṛtā maghāni ||
 7.057.07a ā stutāso maruto viśva ūti acchā sūrin sarvatātā jigāta |
 7.057.07c ye nas tmanā śatino vardhayanti yūyam pāta svastibhiḥ sadā naḥ ||

7.058.01a pra sākamukṣe arcatā gaṇāya yo daivyasya dhāmnas tuviṣmān |
 7.058.01c uta kṣodanti rodasī mahitvā nakṣante nākaṁ nirṛter avamśāt ||
 7.058.02a janūs cid vo marutas tveṣyena bhīmāsaḥ tuvimanyavo 'yāsaḥ |
 7.058.02c pra ye mahobhir ojasota santi viśvo vo yāman bhayate swardṛk ||
 7.058.03a bṛhad vayo maghavadbhyo dadhāta jujoṣann in marutaḥ suṣtutim naḥ |
 7.058.03c gato nādhvā vi tirāti jantum pra na spārhābhir ūtibhis tireta ||
 7.058.04a yuṣmoto vipro marutaḥ śatasvī yuṣmoto arvā sahurīḥ sahasrī |
 7.058.04c yuṣmotaḥ samrāl uta hanti vṛtram pra tad vo astu dhūtayo deṣnam ||
 7.058.05a tāṁ ā rudrasya mīlhuṣo vivāse kuvin namsante marutaḥ punar naḥ |
 7.058.05c yat sasvartā jihīlire yad āvir ava tad ena īmahe turāṇām ||
 7.058.06a pra sā vāci suṣtutir maghonām idam sūktam maruto juṣanta |
 7.058.06c ārac cid dveṣo vṛṣaṇo yuyota yūyam pāta svastibhiḥ sadā naḥ ||

7.059.01a yaṁ trāyādhva idam-idam devāso yaṁ ca nayatha |
 7.059.01c tasmā agne varuṇa mitrāryamaṇ marutaḥ śarma yacchata ||
 7.059.02a yuṣmākaṁ devā avasāhani priya ijānas tarati dviṣaḥ |
 7.059.02c pra sa kṣayam tirate vi mahir iṣo yo vo varāya dāsati ||
 7.059.03a nahi vaś caramaṁ cana vasiṣṭhaḥ parimamsate |
 7.059.03c asmākam adya marutaḥ sute sacā viśve pibata kāmīnaḥ ||
 7.059.04a nahi va ūtiḥ pṛtanāsu mardhati yasmā arādhvam naraḥ |
 7.059.04c abhi va āvart sumatir navīyasī tūyam yāta pipiṣavaḥ ||
 7.059.05a o ṣu ghrṣvirādhaso yātanāndhāmsi pītaye |
 7.059.05c imā vo havya maruto rare hi kam mo ṣv aṅnyatra gantana ||
 7.059.06a ā ca no barhiḥ sadatāvītā ca na spārhāni dātave vasu |
 7.059.06c asredhanto marutaḥ some madhau svāheha mādayādhvai ||
 7.059.07a sasvaś cid dhi tanvaḥ śumbhamānā ā haṁsāso nīlapṛsthā apaptan |
 7.059.07c viśvam śardho abhito mā ni śeda narō na raṇvāḥ savane madantaḥ ||
 7.059.08a yo nō maruto abhi dūrhrṇāyus tiraś cittāni vasavo jighāmsati |
 7.059.08c druhaḥ pāsān prati sa mucīṣṭa tapiṣṭhena hanmanā hantanā tam ||
 7.059.09a sātāpanā idam havir marutaḥ taj jujuṣṭana |
 7.059.09c yuṣmākoṭi riśādasah ||
 7.059.10a grhamedhāsa ā gāta maruto māpa bhūtana |
 7.059.10c yuṣmākoṭi sudānavaḥ ||
 7.059.11a iheha vaḥ svatavaṣaḥ kavayaḥ sūryatvacaḥ |
 7.059.11c yajñam maruta ā vṛne ||
 7.059.12a tryambakam yajāmahe sugandhim puṣṭivardhanam |
 7.059.12c urvārukam iva bandhanān mṛtyor mukṣīya māmṛtāt ||

7.060.01a yad a₁dyā sūrya₁ bravo 'nāgā₁ u₁dyan mītrāya₁ varuṇāya₁ satyam₁ |
 7.060.01c v₁ayam₁ devatrādite₁ syāma₁ tavā₁ priyāso₁ aryaman₁ gr̥nantaḥ₁ ||
 7.060.02a e₁ṣa₁ sya₁ mītrāvaruṇā₁ nṛcakṣā₁ ubhe₁ ud₁ eti₁ sūryo₁ abhi₁ jman₁ |
 7.060.02c viśvasya₁ sthātur₁ jagataś₁ ca₁ gopā₁ rju₁ marteṣu₁ vṛjinā₁ ca₁ paśyan₁ ||
 7.060.03a ayukta₁ sapta₁ haritaḥ₁ sadhasthād₁ yā₁ im₁ vahanti₁ sūryam₁ ghṛtācīḥ₁ |
 7.060.03c dhāmāni₁ mītrāvaruṇā₁ yuvākuḥ₁ sam₁ yo₁ yūtheva₁ janimāni₁ caṣṭe₁ ||
 7.060.04a ud₁ vām₁ pṛkṣāso₁ madhumanto₁ asthur₁ ā₁ sūryo₁ aruhac₁ chukram₁ arṇaḥ₁ |
 7.060.04c yasmā₁ ādityā₁ adhvāno₁ radanti₁ mītro₁ aryamā₁ varuṇaḥ₁ sajoṣāḥ₁ ||
 7.060.05a ime₁ cetāro₁ anṛtasya₁ bhūrer₁ mītro₁ aryamā₁ varuṇo₁ hi₁ santi₁ |
 7.060.05c ima₁ r̥tasya₁ vāvṛdhur₁ duroṇe₁ śagmāsaḥ₁ putrā₁ adīter₁ adabdhāḥ₁ ||
 7.060.06a ime₁ mītro₁ varuṇo₁ dūlabhāso₁ 'cetasam₁ cic₁ citayanti₁ dakṣaiḥ₁ |
 7.060.06c api₁ kratum₁ sucetasam₁ vatantas₁ tiraś₁ cid₁ amhaḥ₁ supathā₁ nayanti₁ ||
 7.060.07a ime₁ divo₁ animiṣā₁ pṛthivyāś₁ cikitvāmsō₁ acetasam₁ nayanti₁ |
 7.060.07c pravṛāje₁ cin₁ nadyo₁ gādham₁ asti₁ pāram₁ no₁ asya₁ viṣpitasya₁ parṣan₁ ||
 7.060.08a yad₁ gopāvad₁ aditiḥ₁ śarmā₁ bhādrām₁ mītro₁ yacchanti₁ varuṇaḥ₁ sudāse₁ |
 7.060.08c tasminn₁ ā₁ tokam₁ tanāyam₁ dadhānā₁ mā₁ karma₁ devaheḷanaḥ₁ turāsaḥ₁ ||
 7.060.09a ava₁ vedim₁ hotrābhir₁ yajeta₁ ripaḥ₁ kāś₁ cid₁ varuṇadhruṭaḥ₁ saḥ₁ |
 7.060.09c pari₁ dveṣobhir₁ aryamā₁ vṛṇaktūrum₁ sudāse₁ vṛṣanā₁ u₁ lokam₁ ||
 7.060.10a sasvaś₁ cid₁ dhi₁ samṛtis₁ tveṣy₁ eṣām₁ apīcyena₁ sahasā₁ sahante₁ |
 7.060.10c yuṣmad₁ bhīyā₁ vṛṣaṇo₁ rejamānā₁ dakṣasya₁ cin₁ mahinā₁ mṛlatā₁ naḥ₁ ||
 7.060.11a yo₁ brahmaṇe₁ sumatim₁ āyajāte₁ vājasya₁ sātāu₁ pāramasya₁ rāyaḥ₁ |
 7.060.11c sīkṣanta₁ manyum₁ maghavāno₁ arya₁ uru₁ kṣayāya₁ cakrire₁ sudhātu₁ ||
 7.060.12a iyam₁ deva₁ purohitir₁ yuvabhyām₁ yajñeṣu₁ mītrāvaruṇāv₁ akāri₁ |
 7.060.12c viśvāni₁ durgā₁ pipṛtam₁ tiro₁ no₁ yūyam₁ pāta₁ svastibhiḥ₁ sadā₁ naḥ₁ ||

7.061.01a ud₁ vām₁ cakṣur₁ varuṇa₁ supratīkam₁ devayor₁ eti₁ sūryas₁ tatanvān₁ |
 7.061.01c abhi₁ yo₁ viśvā₁ bhuvanāni₁ caṣṭe₁ sa₁ manyum₁ martyeṣv₁ ā₁ ciketa₁ ||
 7.061.02a pra₁ vām₁ sa₁ mītrāvaruṇāv₁ r̥tāvā₁ vipro₁ manmāni₁ dīrghaśrud₁ iyarti₁ |
 7.061.02c yasya₁ brahmāni₁ sukratū₁ avātha₁ ā₁ yat₁ kratvā₁ na₁ śaradaḥ₁ pṛṇaithe₁ ||
 7.061.03a proror₁ mītrāvaruṇā₁ pṛthivyāḥ₁ pra₁ diva₁ r̥svād₁ br̥hataḥ₁ sudānū₁ |
 7.061.03c spaśo₁ dadhāthe₁ ośadhīṣu₁ vikṣv₁ rdhag₁ ya₁to₁ animiṣam₁ rakṣamānā₁ ||
 7.061.04a śamsā₁ mītrasya₁ varuṇasya₁ dhāma₁ śuṣmo₁ rodasi₁ badbadhe₁ mahitvā₁ |
 7.061.04c ayan₁ māsā₁ ayajvanām₁ avīrāḥ₁ pra₁ yajñamanmā₁ vṛjanaḥ₁ tirāte₁ ||
 7.061.05a amūrā₁ viśvā₁ vṛṣanāv₁ imā₁ vām₁ na₁ yāsu₁ citram₁ dadṛṣe₁ na₁ yakṣam₁ |
 7.061.05c druhaḥ₁ sacante₁ anṛtā₁ janānām₁ na₁ vām₁ niṇyāny₁ acite₁ abhūvan₁ ||
 7.061.06a sam₁ u₁ vām₁ yajñam₁ mahayam₁ namobhir₁ huve₁ vām₁ mītrāvaruṇā₁ sabādhaḥ₁ |
 7.061.06c pra₁ vām₁ manmāny₁ ṛcase₁ navāni₁ kṛtāni₁ brahma₁ jujuṣann₁ imāni₁ ||
 7.061.07a iyam₁ deva₁ purohitir₁ yuvabhyām₁ yajñeṣu₁ mītrāvaruṇāv₁ akāri₁ |
 7.061.07c viśvāni₁ durgā₁ pipṛtam₁ tiro₁ no₁ yūyam₁ pāta₁ svastibhiḥ₁ sadā₁ naḥ₁ ||

7.062.01a ut sūryo bṛhad arcīṃṣy aśret puru viśvā janīma mānuṣāṇām |
 7.062.01c samo divā dadṛśe rocamānaḥ kratvā kṛtaḥ sukṛtaḥ kartṛbhir bhūt ||
 7.062.02a sa sūrya prati puro na ud gā ebhi stomebhir etaṣebhir evaiḥ |
 7.062.02c pra nō mitrāya varuṇāya voco 'nāgaso aryamṇe agnayē ca ||
 7.062.03a vi naḥ sahasraṃ śurudho radantv ṛtāvāno varuṇo mitro agniḥ |
 7.062.03c yacchantu candrā upamaṃ nō arkam ā naḥ kāmam pūpurantu stavānāḥ ||
 7.062.04a dyāvābhūmī adite trāsithām nō ye vām jajñuḥ sujanimāna ṛṣve |
 7.062.04c mā hele bhūma varuṇasya vāyor mā mitrasya priyatamasya nṛṇām ||
 7.062.05a pra bāhavā sisṛtaṃ jīvasē na ā nō gavyūtim ukṣataṃ ghrtena |
 7.062.05c ā nō janē śravayataṃ yuvānā śrutam me mitravaruṇā havemā ||
 7.062.06a nū mitro varuṇo aryamā naṣ tmanē tokāya varivo dadhantu |
 7.062.06c sugā nō viśvā supathāni santu yūyam pāta svastibhiḥ sadā naḥ ||

7.063.01a ud v eti subhago viśvacakṣāḥ sādharmaṇaḥ sūryo mānuṣāṇām |
 7.063.01c cakṣur mitrasya varuṇasya devaś carmeva yaḥ samavivyaḥ tamāṃsi ||
 7.063.02a ud v eti prasavitā janānām mahān ketur arṇavaḥ sūryasya |
 7.063.02c samānaṃ cakram paryāvivṛtsan yad etaśo vahati dhūrṣu yuktaḥ ||
 7.063.03a vibhrājamāna uṣasām upasthād rebhair ud ēty anumadyamānaḥ |
 7.063.03c eṣa me devaḥ savitā cacchanda yaḥ samānaṃ na pramināti dhāma ||
 7.063.04a divo rukma urucakṣā ud eti dūrearthas tarānir bhrājamānaḥ |
 7.063.04c nūnaṃ janāḥ sūryeṇa prasūtā ayann arthāni kṛnavann apāṃsi ||
 7.063.05a yatrā cakrur amṛtā gātum asmaī śyeno na dīyann anv eti pāthaḥ |
 7.063.05c prati vām sūra udite vidhema namobhir mitravaruṇota havyaiḥ ||
 7.063.06a nū mitro varuṇo aryamā naṣ tmanē tokāya varivo dadhantu |
 7.063.06c sugā nō viśvā supathāni santu yūyam pāta svastibhiḥ sadā naḥ ||

7.064.01a divi kṣayantā rajasah pṛthivyām pra vām ghrtasya nirṇijo dadīran |
 7.064.01c havyaṃ nō mitro aryamā sujāto rājā sukṣatro varuṇo juṣanta ||
 7.064.02a ā rājānā maha ṛtasya gopā sindhupati kṣatriyā yātam arvāk |
 7.064.02c ilām nō mitravaruṇota vṛṣṭim avā diva invataṃ jīradānū ||
 7.064.03a mitras tan nō varuṇo devo aṛyaḥ pra sādhiṣṭhebhīḥ pathibhir nayantu |
 7.064.03c bravād yathā na ād ariḥ sudāsa iṣā madema saha devagopāḥ ||
 7.064.04a yo vām gartam manasā takṣad etam ūrdhvām dhītim kṛnavād dhārayac ca |
 7.064.04c ukṣethām mitravaruṇā ghrtena tā rājānā sukṣītis tarpayethām ||
 7.064.05a eṣa stomō varuṇa mitra tubhyaṃ somah śukro na vāyave 'yāmi |
 7.064.05c aṣṭam dhiyo jigṛtam purandhīr yūyam pāta svastibhiḥ sadā naḥ ||

7.065.01a prati vām sūra udite sūktair mitram huve varuṇam pūதாகṣam |
 7.065.01c yayor asuryaīm akṣitam jyeṣṭham viśvasya yāmann ācitā jigatnu ||
 7.065.02a tā hi devānām asurā tāv aṛyā tā naḥ kṣītiḥ karatam ūrjayantiḥ |
 7.065.02c aśyāma mitravaruṇā vāyam vām dyāvā ca yatra pīpayann ahā ca ||

7.065.03a tā bhūripāśāv anṛtasya setū duratyetū ripave martyāya |
 7.065.03c ṛtasya mitrāvaruṇā pathā vām apo na nāvā dūrītā tarema ||
 7.065.04a ā no mitrāvaruṇā havyajusṭim ghṛtair gavyūtim ukṣatam ilābhiḥ |
 7.065.04c prati vām atra varam ā janāya pṛṇitam udno divyasya cāroḥ ||
 7.065.05a eṣa stomo varuṇa mitra tubhyaṁ somaḥ śukro na vāyave 'yāmi |
 7.065.05c aviṣṭam dhiyo jigṛtam purandhīr yūyam pāta svastibhiḥ sadā naḥ ||

7.066.01a pra mitrayor varuṇayo stomo na etu sūśyaḥ |
 7.066.01c namāsvān tuvijātayoḥ ||
 7.066.02a yā dhārayanta devāḥ sudakṣā dakṣapitarā |
 7.066.02c asuryāya pramaḥasā ||
 7.066.03a tā na stipā tanūpā varuṇa jaritṛṇām |
 7.066.03c mitra sādhayatam dhiyaḥ ||
 7.066.04a yad adya sūra udite 'nāgā mitro aryamā |
 7.066.04c suvāti savitā bhagaḥ ||
 7.066.05a suprāvīr astu sa kṣayaḥ pra nu yāman sudānavaḥ |
 7.066.05c ye no amho 'tipiprati ||
 7.066.06a uta svarājo aditir adabdhasya vratasya ye |
 7.066.06c maḥo rājāna īsate ||
 7.066.07a prati vām sūra udite mitram grṇiṣe varuṇam |
 7.066.07c aryamaṇam riśādāsam ||
 7.066.08a rāyā hiraṇyayā matir iyam avṛkāya śavase |
 7.066.08c iyam viprā medhasātaye ||
 7.066.09a te syāma deva varuṇa te mitra sūribhiḥ saha |
 7.066.09c iṣam svaś ca dhimahi ||
 7.066.10a bahavaḥ sūrācakṣaso 'gnijihvā ṛtāvṛdhaḥ |
 7.066.10c trīṇi ye yemur vidathāni dhītibhir viśvāni paribhūtibhiḥ ||
 7.066.11a vi ye dadhuḥ śaradam māsam ād ahar yajñam aktuṁ cād ṛcam |
 7.066.11c anāpyam varuṇo mitro aryamā kṣatram rājāna āśata ||
 7.066.12a tad vo adya manāmahe sūktaiḥ sūra udite |
 7.066.12c yad oḥate varuṇo mitro aryamā yūyam ṛtasya rathyaḥ ||
 7.066.13a ṛtāvāna ṛtajātā ṛtāvṛdhō ghorāso anṛtadvīṣaḥ |
 7.066.13c teṣām vaḥ sumne sūchardīṣṭame naraḥ syāma ye ca sūrayaḥ ||
 7.066.14a ud u tyad darśatam vapur diva eti pratihvare |
 7.066.14c yad im āsur vahati deva etaśo viśvasmai cakṣase aram ||
 7.066.15a śirṣṇaḥ-śirṣṇo jagatas tasthuṣas patim samayā viśvam ā rajaḥ |
 7.066.15c sapta svasāraḥ suvitāya sūryam vahanti harito rathe ||
 7.066.16a tac cakṣur devahitam śukram uccarat |
 7.066.16b paśyema śaradaḥ śatam jivema śaradaḥ śatam ||
 7.066.17a kāvyebhir adābhyā yātam varuṇa dyumat |
 7.066.17c mitras ca somapītaye ||

- 7.066.18a dīvo dhāmābhir varuṇa mitraś cā yātam adruhā |
7.066.18c pibatam somam ātūjī ||
7.066.19a ā yātam mitrāvaruṇā juṣāṇāv āhutim narā |
7.066.19c pātam somam ṛtāvṛdhā ||
- 7.067.01a prati vām ratham nṛpati jaradhyai haṣmatā manasā yajñiyena |
7.067.01c yo vām dūto na dhiṣnyāv ajigar acchā sūnur na pitarā vivakmi ||
7.067.02a aśocy agniḥ samidhāno asme upo adṛśran tamasaś cid antāḥ |
7.067.02c aceti ketur uśasaḥ purastāc chriye dīvo duhitur jāyamānaḥ ||
7.067.03a abhi vām nūnam aśvinā suhotā stomaiḥ siṣakti nāsatyā vivakvān |
7.067.03c pūrvibhir yātam pathyābhir arvāk svarvidā vasumatā rathena ||
7.067.04a avor vām nūnam aśvinā yuvākur huve yad vām sute mādhvī vasūyuh |
7.067.04c ā vām vahantu sthavirāso aśvāḥ pibātho asme suṣutā madhūni ||
7.067.05a prācim u devāśvinā dhiyam me mṛdhrām sātaye kṛtam vasūyum |
7.067.05c viśvā aviṣtam vāja ā purandhis tā naḥ śaktam śacīpatī śacībhiḥ ||
7.067.06a aviṣtam dhīṣv aśvinā na āsu prajāvad reto ahrayam no astu |
7.067.06c ā vām toke tanaye tūtuḥjānaḥ suratnāso devavitim gamema ||
7.067.07a eṣa sya vām pūrvagatveva sakhye nidhir hito mādhvī rāto asme |
7.067.07c aheḷatā manasā yātam arvāg aśnantā havyam mānuṣiṣu vikṣu ||
7.067.08a ekasmin yoge bhuraṇā samāne pari vām sapta sravato ratho gāt |
7.067.08c na vāyanti subhvo devayuktā ye vām dhūrṣu tarāyayo vahanti ||
7.067.09a asaścatā maghavadbhyo hi bhūtam ye rāyā maghadeyam junanti |
7.067.09c pra ye bandhum sūnṛtābhis tirante gavyā pṛncanto aśvyā maghāni ||
7.067.10a nū me havam ā śṛṇutam yuvānā yāsiṣtam vartir aśvināv irāvat |
7.067.10c dhattam ratnāni jaratam ca sūrīn yūyam pāta svastibhiḥ sadā naḥ ||
- 7.068.01a ā subhrā yātam aśvinā svaśvā giro dasrā jujuṣāṇā yuvākoḥ |
7.068.01c havyanī ca pratibhṛtā vītam naḥ ||
7.068.02a pra vām andhāmsi madyāny asthur aram gantam haṣo vītaye me |
7.068.02c tiro aryo havanāni śrutam naḥ ||
7.068.03a pra vām ratho manojavā iyarti tiro rajāmsy aśvinā śatotiḥ |
7.068.03c asmabhyam sūryāvasū iyānaḥ ||
7.068.04a ayam ha yad vām devayā u adriḥ ūrdhvo vivakti somasud yuvabhyām |
7.068.04c ā valgū vipro vavṛtita havyaiḥ ||
7.068.05a citram ha yad vām bhojanam nv asti ny atraye mahiṣvantam yuyotam |
7.068.05c yo vām omānam dadhate priyaḥ san ||
7.068.06a uta tyad vām jurate aśvinā bhūc cyavānāya pratīyam havirde |
7.068.06c adhi yad varpa itaūti dhatthaḥ ||
7.068.07a uta tyam bhujyum aśvinā sakhāyo madhye jahur drevāsaḥ samudre |
7.068.07c nir im parṣad arāvā yo yuvākuh ||
7.068.08a vṛkāya cij jasamānāya śaktam uta śrutam śayave hūyamānā |

7.068.08c yāv aghnyām apīnvatam apo na staryām cic chakty aśvinā śacībhiḥ ||
 7.068.09a eṣa sya kārur jarate sūktair agre budhāna uśasām sumanmā |
 7.068.09c iṣā tam vārdhad aghnyā payobhir yūyam pāta svastibhiḥ sadā naḥ ||

7.069.01a ā vām ratho rodasī badbadhāno hiranyayo vṛṣabhir yātv aśvaiḥ |
 7.069.01c ghrtavartaniḥ pavibhī rucāna iṣām volhā nṛpatir vājinivān ||
 7.069.02a sa paprathāno abhi pañca bhūmā trivandhuro manasā yātu yuktaḥ |
 7.069.02c viśo yena gacchātho devayantīḥ kutrā cid yāmam aśvinā dadhānā ||
 7.069.03a svaśvā yaśasā yātam arvāg dasrā nidhim madhūmantam pibāthaḥ |
 7.069.03c vi vām ratho vadhvā₃ yādamāno 'ntān divo bādhatē vartanibhyām ||
 7.069.04a yuvoḥ śriyam pari yośāvṛṇita sūro duhitā paritakmyāyām |
 7.069.04c yad devayantam avathaḥ śacībhiḥ pari ghraṁsam omanā vām vayo gāt ||
 7.069.05a yo ha sya vām rathirā vasta usrā ratho yujānaḥ pariyāti vartīḥ |
 7.069.05c tena naḥ śam yor uśaso vyuṣṭau ny aśvinā vahatam yajñe asmin ||
 7.069.06a narā gaurevā vidyutam tṛṣṇānāsmākam adya savanopa yātam |
 7.069.06c purutrā hi vām matibhir havante mā vām anye ni yaman devayantaḥ ||
 7.069.07a yuvam bhujyum avavidham samudra ud ūhathur arṇaso asridhānaiḥ |
 7.069.07c paṭatribhir aśramair avyathibhir daṁsanābhir aśvinā pārayantā ||
 7.069.08a nū me havam ā śṛṇutam yuvānā yāsiṣtam vartir aśvināv irāvat |
 7.069.08c dhattam ratnāni jaratam ca sūrīn yūyam pāta svastibhiḥ sadā naḥ ||

7.070.01a ā viśvavārāśvinā gataḥ naḥ pra tat sthānam avāci vām pṛthivyām |
 7.070.01c aśvo na vāji śunaprṣṭho asthād ā yat sedathur dhruvase na yonim ||
 7.070.02a siṣakti sā vām sumatīś canīṣṭhātāpi gharmo manuṣo durone |
 7.070.02c yo vām samudrān saritaḥ piparty etagvā cin na suyujā yujānaḥ ||
 7.070.03a yāni sthānāny aśvinā dadhāthe divo yahviṣv ośadhīṣu vikṣu |
 7.070.03c ni parvatasya mūrdhani sadanteṣam janāya dāśuṣe vahantā ||
 7.070.04a canīṣṭam devā ośadhīṣv apsu yad yogyā aśnavaithe ṛṣīnām |
 7.070.04c purūni ratnā dadhātau ny aśme anu pūrvāni cakhyathur yugāni ||
 7.070.05a śuśruvāmsā cid aśvinā purūny abhi brahmāni cakṣāthe ṛṣīnām |
 7.070.05c prati pra yātam varam ā janāyāśme vām astu sumatīś canīṣṭhā ||
 7.070.06a yo vām yajño nāsatyā haṁṣmān kṛtabrahmā samaryo₃ bhavāti |
 7.070.06c upa pra yātam varam ā vasiṣṭham imā brahmāny ṛcyante yuvabhyām ||
 7.070.07a iyam manīṣā iyam aśvinā gīr imām suvrktim vṛṣaṇā juṣethām |
 7.070.07c imā brahmāni yuvayūny agman yūyam pāta svastibhiḥ sadā naḥ ||

7.071.01a apa svasur uśaso nag jihite riṇakti kṛṣṇīr aruṣāya panthām |
 7.071.01c aśvāmaghā gomaghā vām huvema divā naktam śarum aśmad yuyotam ||
 7.071.02a upāyātam dāśuṣe martyāya rathena vāmam aśvinā vahantā |
 7.071.02c yuyutam aśmad anirām amivām divā naktam mādhvī trāsīthām naḥ ||
 7.071.03a ā vām ratham avamasyām vyuṣṭau sumnāyavo vṛṣaṇo vartayantu |

7.071.03c syūmagabhastim ṛtayugbhir āsvair āśvinā vasumantaṃ vahethām ||
 7.071.04a yo vām ratho nṛpatī asti volhā trivandhuro vasumāṃ ṡrayāmā |
 7.071.04c ā nā enā nāsatyopā yātam abhi yad vām viśvapsnyo jigāti ||
 7.071.05a yuvaṃ cyavānaṃ jaraso 'mumuktaṃ ni pedava ūhathur āsum āsvam |
 7.071.05c nir amhasas tamasa spartaṃ atrim ni jāhuṣaṃ śithire dhātam antaḥ ||
 7.071.06a iyam maṇiṣā iyam āśvinā gīr imāṃ suvr̥ktiṃ vṛṣaṇā juṣethām |
 7.071.06c imā brahmāṇi yuvayūny agman yūyam pāta svastibhiḥ sadā naḥ ||

7.072.01a ā gomatā nāsatyā rathenāśvāvataḥ puruścandrena yātam |
 7.072.01c abhi vām viśvā niyutaḥ sacante spārhayā śriyā tanvā śubhānā ||
 7.072.02a ā nō devebhir upā yātam arvāk sajoṣasā nāsatyā rathena |
 7.072.02c yuvor hi naḥ saḥyā pitryāṇi samāno bandhur ūta tasyā vittam ||
 7.072.03a ud ū stomāso āśvinor abudhraṇ jāmi brahmāṇy uṣasaś ca devīḥ |
 7.072.03c āvivāsan rodasī dhiṣnyeme acchā vipro nāsatyā vivakti ||
 7.072.04a vi ced ucchanty āśvinā uṣasaḥ pra vām brahmāṇi kāravo bharante |
 7.072.04c ūrdhvam bhānuṃ savitā devo āśred bṛhad agnayaḥ samidhā jarante ||
 7.072.05a ā paścātān nāsatyā purastād āśvinā yātam adharād udaktāt |
 7.072.05c ā viśvataḥ pāñcajanyaena rāyā yūyam pāta svastibhiḥ sadā naḥ ||

7.073.01a atāriṣma tamasas pāram aśya prati stomam devayanto dadhānāḥ |
 7.073.01c purudamsā puruṭamā purājāmartyā havate āśvinā gīḥ ||
 7.073.02a ny u priyo manuṣaḥ sādī hotā nāsatyā yo yajate vandate ca |
 7.073.02c aśnītam madhvo āśvinā upāka ā vām voce vidatheṣu prayasvān ||
 7.073.03a ahema yajñam pathām urāṇā imāṃ suvr̥ktiṃ vṛṣaṇā juṣethām |
 7.073.03c śruṣṭīveva preṣito vām abodhiḥ prati stomair jaramāno vasisthaḥ ||
 7.073.04a upa tyā vahnī gamato viśam no rakṣohaṇā sambhṛtā vīlupāṇi |
 7.073.04c sam andhāmsy agmata matsarāṇi mā nō mardhiṣtam ā gatam śivena ||
 7.073.05a ā paścātān nāsatyā purastād āśvinā yātam adharād udaktāt |
 7.073.05c ā viśvataḥ pāñcajanyaena rāyā yūyam pāta svastibhiḥ sadā naḥ ||

7.074.01a imā ū vām diviṣṭaya ṡrā havante āśvinā |
 7.074.01c ayaṃ vām ahve 'vase śacivasū viśam-viśam hi gacchathaḥ ||
 7.074.02a yuvaṃ citram dadathur bhojanam narā codethām sūnrtāvate |
 7.074.02c arvāg ratham samanāsā ni yacchatam pibatam somyam madhu ||
 7.074.03a ā yātam upā bhūṣatam madhvaḥ pibatam āśvinā |
 7.074.03c dugdham payo vṛṣaṇā jenyāvasū mā nō mardhiṣtam ā gatam ||
 7.074.04a āsvāso ye vām upā dāśuṣo grham yuvam diyanti bibhrataḥ |
 7.074.04c maḥṣūyubhir narā hayebhir āśvinā devā yātam asmayū ||
 7.074.05a adhā ha yanto āśvinā pṛkṣaḥ sacanta sūrayaḥ |
 7.074.05c tā yamsato maḥgavadbhyo dhruvam yaśaś chardir asmabhyam nāsatyā ||
 7.074.06a pra ye yayur avṛkāso rathā iva nṛpātāro janānām |

7.074.06c uta svena śavasā śūsuvur nara uta kṣiyanti sukṣitim ||

7.075.01a vy uḷṣā āvo divijā rtenāviṣkrṇvānā mahimānam āgāt |

7.075.01c apa druhas tama āvar ajuṣtam aṅgirastamā pathyā ajigaḥ ||

7.075.02a mahe no adya suvitāya bodhy uṣo mahe saubhagāya pra yandhi |

7.075.02c citram rayim yaśasam dhehy asme devi marteṣu mānuṣi śravasyum ||

7.075.03a ete tye bhānavo darśatāyāś citrā uṣaso amṛtāsa āguḥ |

7.075.03c janayanto daivyāni vratāny aprṇanto antarikṣā vy asthuḥ ||

7.075.04a eṣā syā yujānā parākāt pañca kṣitiḥ pari sadyo jigāti |

7.075.04c abhipaśyanti vāyunā janānām divo duhitā bhuvanasya patnī ||

7.075.05a vājīnīvatī sūryasya yoṣā citrāmaghā rāya īse vasūnām |

7.075.05c rṣiṣṭutā jarayanti maghony uṣā ucchaṭi vahnibhir grṇānā ||

7.075.06a prati dyutānām aruṣāso aśvās citrā adṛśrann uṣasam vahantaḥ |

7.075.06c yāti śubhrā viśvapiśā rathena dadhāti ratnam vidhate janāya ||

7.075.07a satyā satyebhir mahatī mahadbhir devī devebhir yajatā yajatraiḥ |

7.075.07c rujad dr̥hāni dadad usriyānām prati gāva uṣasam vāvaśanta ||

7.075.08a nū no gomād vīravād dhehi ratnam uṣo aśvāvat purubhojō asme |

7.075.08c mā no barhiḥ puruṣatā nide kar yūyam pāta svastibhiḥ sadā naḥ ||

7.076.01a ud u jyotir amṛtam viśvajanyam viśvānaraḥ savitā devo aśret |

7.076.01c kratvā devānām ajaniṣṭa cakṣur āvir akar bhuvanām viśvam uṣāḥ ||

7.076.02a pra me panthā devayānā adṛśrann amardhanto vasubhir iṣkr̥tāsaḥ |

7.076.02c abhūd u ketur uṣasaḥ purastāt pracīcy āgād adhi harṃyebhyaḥ ||

7.076.03a tānīd ahāni bahulāny āsan yā prācīnam uditā sūryasya |

7.076.03c yataḥ pari jāra ivācaranty uṣo dadṛkṣe na punar yatīva ||

7.076.04a ta id devānām sadhamāda āsann rtāvānaḥ kavayaḥ pūrvyāsaḥ |

7.076.04c gūlham jyotiḥ pitaro anv avindan satyamantrā ajanayann uṣasam ||

7.076.05a samāna ūrve adhi saṅgatāsaḥ sam jānate na yatante mithas te |

7.076.05c te devānām na minanti vratāny amardhanto vasubhir yādāmānāḥ ||

7.076.06a prati tvā stomair ilate vasiṣṭhā uṣarbudhaḥ subhage tuṣṭuvāmsaḥ |

7.076.06c gavām netrī vājapatnī na ucchoṣaḥ sujāte prathamā jarasva ||

7.076.07a eṣā netrī rādhasaḥ sūnrtānām uṣā ucchantī ribhyate vasiṣṭhaiḥ |

7.076.07c dīrghaśrutam rayim asme dadhānā yūyam pāta svastibhiḥ sadā naḥ ||

7.077.01a upo ruruce yuvatir na yoṣā viśvam jīvam prāsuvanti carāyai |

7.077.01c abhūd agniḥ samidhe mānuṣāṅām akar jyotir bādhamānā tamāmsi ||

7.077.02a viśvam pracīci saprathā ud asthād ruśad vāso bibhratī śukram aśvait |

7.077.02c hiraṇyavarṇā sudṛśikasandrg gavām mātā netrī ahnām aroci ||

7.077.03a devānām cakṣuḥ subhagā vahanti śvetam nayanti sudṛśikam aśvam |

7.077.03c uṣā adarśi raśmibhir vyaktā citrāmaghā viśvam anu prabhūtā ||

7.077.04a antivāmā dūre amitram ucchorvīm gavyūtim abhayam kṛdhī naḥ |

7.077.04c yāvaya dveṣa ā bharā vasūni codaya rādho gr̥ṇate maghoni ||
 7.077.05a asme śreṣṭhebhīr bhānubhīr vi bhāhy uṣo devi pratiranti na āyuh |
 7.077.05c iṣam ca no dadhati viśvavāre gomad aśvāvad rathavac ca rādhaḥ ||
 7.077.06a yām tvā divo duhitar vardhayanty uṣaḥ sujāte matibhīr vasiṣṭhāḥ |
 7.077.06c sāsmāsu dhā rayim r̥ṣvam br̥hantaṁ yūyam pāta svastibhīḥ sadā naḥ ||

7.078.01a prati ketavaḥ prathamā adr̥srann ūrdhvā asyā añjayo vi śrayante |
 7.078.01c uṣo arvācā br̥hatā rathena jyotiṣmatā vāmam asmabhyaṁ vakṣi ||
 7.078.02a prati śim agnir jarate samiddhaḥ prati viprāso matibhīr gr̥ṇantaḥ |
 7.078.02c uṣā yāti jyotiṣā bādhamānā viśvā tamāmsi duritāpa devī ||
 7.078.03a eṭā u tyāḥ praty adr̥srann purastāj jyotir yacchantir uṣaso vibhātīḥ |
 7.078.03c ajījanan sūryaṁ yajñam agnim apācinam tamō agād ajuṣṭam ||
 7.078.04a aceti divo duhitā maghoni viśve paśyanty uṣasaṁ vibhātīm |
 7.078.04c āsthād ratham svadhayā yujyamānam ā yam aśvāsaḥ suyujō vahanti ||
 7.078.05a prati tvādya sumanaso budhantāsmākāso maghavāno vyaṁ ca |
 7.078.05c tilvilāyadhvam uṣaso vibhātīr yūyam pāta svastibhīḥ sadā naḥ ||

7.079.01a vy uṣā āvaḥ pathyā³ janānam pañca kṣitīr mānuṣīr bodhayanti |
 7.079.01c susandrgbhīr ukṣabhīr bhānum āśred vi sūryo rodasī cakṣasāvaḥ ||
 7.079.02a vy añjate divo antesv aktūn viśo na yukṭā uṣaso yatante |
 7.079.02c sam te gāvas tama ā vartayanti jyotir yacchanti saviteva bāhū ||
 7.079.03a abhūd uṣā indratamā maghony ajījanat suvitāya śravāmsi |
 7.079.03c vi divo devī duhitā dadhāty aṅgirastamā sukṛte vasūni ||
 7.079.04a tāvad uṣo rādho asmabhyaṁ rāsva yāvat stotrbhyo arado gr̥ṇānā |
 7.079.04c yām tvā jajñur vr̥ṣabhasyā ravena vi dr̥lhasya duro adrer aurnoḥ ||
 7.079.05a devaṁ-devaṁ rādhasē codayanty asmadryak sūnṛtā irayanti |
 7.079.05c vyucchantī naḥ sanaye dhiyo dhā yūyam pāta svastibhīḥ sadā naḥ ||

7.080.01a prati stomebhīr uṣasaṁ vasiṣṭhā gīrbhīr viprāsaḥ prathamā abudhran |
 7.080.01c vivartayantīm rajasī samante aṁṣikṛṇvatīm bhuvanāni viśvā ||
 7.080.02a eṣā syā navyaṁ āyur dadhānā gūḍhvī tamō jyotiṣoṣā abodhi |
 7.080.02c agrā eti yuvatir ahraṇāṇā prācikitat sūryaṁ yajñam agnim ||
 7.080.03a aśvāvatīr gomatīr na uṣāso vīravatīḥ sadam ucchantu bhadrāḥ |
 7.080.03c ghṛtam duhānā viśvataḥ prapitā yūyam pāta svastibhīḥ sadā naḥ ||

7.081.01a praty u adarśy āyaty uṣcchantī duhitā divaḥ |
 7.081.01c apo mahi vyayati cakṣase tamō jyotiṣ kṛṇoti sūnarī ||
 7.081.02a ud usriyāḥ sṛjate sūryaḥ sacāṁ uḍyan nakṣatram arcivat |
 7.081.02c taved uṣo vyuṣi sūryasya ca sam bhaktena gamemahi ||
 7.081.03a prati tvā duhitar diva uṣo jirā abhutsmahi |
 7.081.03c yā vahasi puru spārham vananvati ratnam na dāsuṣe mayah ||

- 7.081.04a ucchantī yā kṛṇoṣi mānhanā mahi prakhyai devī svar dr̥ṣe |
7.081.04c tasyās te ratnabhāja īmahe vayan̄ syāmā mātur na sūnavah̄ ||
7.081.05a tac citram̄ rādha ā bharoṣo yad dirghaśruttamam |
7.081.05c yat te divo duhitar martabhojanam̄ tad rāsva bhunajāmahai ||
7.081.06a śravaḥ sūribhyo amṛtam̄ vasutvanam̄ vājāṁ asmabhyam̄ gomataḥ |
7.081.06c codayitrī maghonah̄ sūnr̥tāvaty uṣā ucchad̄ apa sridhaḥ ||
- 7.082.01a indrāvaruṇā yuvam̄ adhvarāya no viśe janāya mahi śarmā yacchatam |
7.082.01c dirghaprayajyum̄ ati yo vanuṣyati vayan̄ jayema pṛtanāsu dūḍhyaḥ ||
7.082.02a samrāl̄ anyah̄ svarāl̄ anya ucyate vām mahāntāv indrāvaruṇā mahāvasū |
7.082.02c viśve devāsaḥ parame vyomanī sam̄ vām ojo vṛṣaṇā sam balam̄ dadhuḥ ||
7.082.03a anv apām̄ khāny atṛntam̄ ojasā sūryam̄ airayataḥ divi pṛabhūm |
7.082.03c indrāvaruṇā madē asya māyino pinvatam̄ apitaḥ pinvatam̄ dhiyah̄ ||
7.082.04a yuvām̄ id yutsu pṛtanāsu vahnayo yuvām̄ kṣemasya prasave mitajñavaḥ |
7.082.04c īśānā vasva ubhayasya kārava indrāvaruṇā suhavaḥ havāmahe ||
7.082.05a indrāvaruṇā yad imāni cakrathur̄ viśvā jātāni bhuvanasya majmanā |
7.082.05c kṣemeṇa mitro varuṇam̄ duvasyati marudbhīr̄ ugraḥ śubham̄ anya iyate ||
7.082.06a mahe śulkāya varuṇasya nu tvīṣa ojo mimāte dhruvam̄ asya yat svam |
7.082.06c ajāmim̄ anyah̄ śnathayantam̄ ātirad̄ dabhrebhīr̄ anyah̄ pra vṛṇoti bhūyasaḥ ||
7.082.07a na tam̄ amho na duritāni martyam̄ indrāvaruṇā na tapaḥ kutaś cana |
7.082.07c yasya devā gacchatho vītho adhvaram̄ na tam̄ martasya naśate parihvṛtiḥ ||
7.082.08a arvān̄ narā daivyenāvasā gatam̄ śṛṇutam̄ havam̄ yadi me jujoṣathaḥ |
7.082.08c yuvor̄ hi sakhyam̄ uta vā yad apyam̄ mārḍīkam̄ indrāvaruṇā ni yacchatam ||
7.082.09a asmākam̄ indrāvaruṇā bhare-bhare puroyodhā bhavataḥ kṛṣtyojasā |
7.082.09c yad vām̄ havanta ubhaye adha spr̄dhi naras̄ tokasya tanayasya sātiṣu ||
7.082.10a asme indro varuṇo mitro aryamā dyumnam̄ yacchantu mahi śarmā saprathaḥ |
7.082.10c avadhram̄ jyotir̄ aditer̄ r̄tāvṛdho devasya ślokaḥ savitur̄ manāmahe ||
- 7.083.01a yuvām̄ narā paśyamānāsa apyam̄ prācā gavvyantaḥ pṛthuparśavo yayuḥ |
7.083.01c dāsā ca vṛtrā haṭam̄ āryāni ca sudāsam̄ indrāvaruṇāvasāvataḥ ||
7.083.02a yatrā naraḥ samayante kṛtadhvajo yasminn̄ ājā bhavati kim̄ cana priyam |
7.083.02c yatrā bhayante bhuvanā svardṛśas̄ tatrā na indrāvaruṇādhi vocatam ||
7.083.03a sam bhūmyā antā dhvasirā adṛkṣatendrāvaruṇā divi ghoṣa āruhat |
7.083.03c asthur̄ janānām̄ upa mām̄ arātayo 'rvāḡ avasā havanaśrutā gatam̄ ||
7.083.04a indrāvaruṇā vadhanābhīr̄ aprati bhedaḥ vanvantā pra sudāsam̄ āvatam |
7.083.04c brahmānȳ eṣām̄ śṛṇutam̄ havīmāni satyā tr̄tsūnām̄ abhavat purohitīḥ ||
7.083.05a indrāvaruṇāv̄ abhy ā tapanti māghānȳ aryo vanuṣām̄ arātayaḥ |
7.083.05c yuvam̄ hi vasva ubhayasya rājatho 'dha smā no 'vatam̄ pārye divi ||
7.083.06a yuvām̄ havanta ubhayāsa ājiṣv̄ indram̄ ca vasvo varuṇam̄ ca sātaye |
7.083.06c yatra rājābhīr̄ daśabhīr̄ nibādhitam̄ pra sudāsam̄ āvatam̄ tr̄tsubhiḥ saha ||
7.083.07a daśa rājānaḥ samitā ayajyavaḥ sudāsam̄ indrāvaruṇā na yuyudhuḥ |

7.083.07c satyā nr̥ṇām admasadām upastutir devā eṣām abhavan devahūtiṣu ||
7.083.08a dāśarājñe pariyattāya viśvataḥ sudāsa indrāvaruṇāv aśikṣatam |
7.083.08c śvityaṅco yatra namasā kapardino dhiyā dhivanto asapanta tr̥tsavaḥ ||
7.083.09a vṛtrāṇy anyah samitheṣu jighnate vratāṇy anyo abhi rakṣate sadā |
7.083.09c havāmahe vām vṛṣaṇā suvr̥ktibhir̥ asme indrāvaruṇā śarma yacchatam ||
7.083.10a asme indro varuṇo mitro aryamā dyumnam yacchantu mahi śarma saprathaḥ |
7.083.10c avadhram jyotir aditer rtāvṛdho devasya ślokaṁ savitur manāmahe ||

7.084.01a ā vām rājānāv adhvare vavṛtyām havyebhīr indrāvaruṇā namobhiḥ |
7.084.01c pra vām ghṛtāci bāhvor dadhānā pari tmanā viṣurūpā jigāti ||
7.084.02a yuvo rāṣtram br̥had invati dyaur yau setṛbhīr arajjubhiḥ sinīthaḥ |
7.084.02c pari no heḷo varuṇasya vṛjyā urum na indraḥ kṛṇavad u lokam ||
7.084.03a kṛtam no yajñam vidatheṣu cārum kṛtam brahmāni sūriṣu praśastā |
7.084.03c upo rayir devajūto na etu pra ṇa spār̥hābhīr ūtibhis̥ tīretam ||
7.084.04a asme indrāvaruṇā viśvavāram rayim dhattam vasumantam purukṣum |
7.084.04c pra ya ādityo anṛtā mināty amitā sūro dayate vasūni ||
7.084.05a iyam indram varuṇam aṣṭa me gīḥ prāvāt toke tanaye tūtujānā |
7.084.05c suratnāso devavītim gamema yūyam pāta svastibhiḥ sadā naḥ ||

7.085.01a puniṣe vām arakṣasam maṇiṣām somam indrāya varuṇāya juhvat |
7.085.01c ghṛtapratikām uṣasam na devīm tā no yāmann uruṣyatām abhike ||
7.085.02a spardhante vā u devahūye atra yeṣu dhvajeṣu didyavaḥ patanti |
7.085.02c yuvam tāṁ indrāvaruṇāv amitran̄ hatam parācaḥ śarvā viśūcaḥ ||
7.085.03a āpaś cid dhi svayaśasaḥ sadassu devīr indram varuṇam devatā dhuḥ |
7.085.03c kṛṣṭīr anyo dhārayati praviktā vṛtrāṇy anyo apratini hanti ||
7.085.04a sa sukatur̥ rtacid astu hotā ya āditya śavasā vām namasvān |
7.085.04c āvavartad avase vām haviṣmān asad it sa suvitāya prayasvān ||
7.085.05a iyam indram varuṇam aṣṭa me gīḥ prāvāt toke tanaye tūtujānā |
7.085.05c suratnāso devavītim gamema yūyam pāta svastibhiḥ sadā naḥ ||

7.086.01a dhīrā tv aśya mahinā janūmṣi vi yas taṣtambha rodasi cid urvī |
7.086.01c pra nākam ṛṣvam nunude br̥hantam dvitā nakṣatram paprathac ca bhūma ||
7.086.02a uta svayā tanvāṣ sam vade tat kadā nv aṅtar varuṇe bhuvāni |
7.086.02c kim me havyam ahṛnāno juṣeta kadā mṛlikam sumanā abhi khyam ||
7.086.03a pṛcche tad eno varuṇa didr̥kṣūpo emi cikituṣo vipṛccham |
7.086.03c samānam in me kavayaś cid āhur ayam ha tubhyaṁ varuṇo hr̥ṇite ||
7.086.04a kim āgā āsa varuṇa jyeṣṭham yat stotāram jighāmsasi sakhāyam |
7.086.04c pra tan me voco dūlabha svadhāvo 'va tvānenā namasā tura iyām ||
7.086.05a avā drugdhāni pitryā sṛjā no 'va yā vāyam cakṛmā tanūbhiḥ |
7.086.05c avā rājan paśutṛpam na tāyum sṛjā vatsam na dāmnō vasiṣṭham ||
7.086.06a na sa svo dakṣo varuṇa dhrutiḥ sā surā manyur vibhīdako acittiḥ |

7.086.06c asti jyāyān kaniyasa upāre svapnaś caned anṛtasya prayotā ||
 7.086.07a aram̄ dāso na mīlhuṣe karāṇy aham̄ devāya bhūrṇaye 'nāgāḥ |
 7.086.07c acetayad acito devo aryo gr̄tsam̄ rāye kavitaro junāti ||
 7.086.08a ayaṁ su tubhyaṁ varuṇa svadhāvo hṛdi stoma upāśritaś cid astu |
 7.086.08c śam̄ naḥ kṣeme śam̄ u yogē no astu yūyam pāta svastibhiḥ sadā naḥ ||

7.087.01a radat patho varuṇaḥ sūryāya prārṇāmsi samudriyā nadīnām |
 7.087.01c sargo na sr̄ṣto arvatīr r̄tāyaṁ cakāra mahīr avanīr ahabhyaḥ ||
 7.087.02a ātmā te vāto raja ā navīnot paśur na bhūrṇir yavase sasavān |
 7.087.02c antar mahī br̄ḥati rodasīme viśvā te dhāmā varuṇa priyāni ||
 7.087.03a pari spaśo varuṇasya smadiṣṭā ubhe paśyanti rodasī sumeke |
 7.087.03c r̄tāvānaḥ kavayo yajñadhīrāḥ pracetaso ya iṣayanta manmā ||
 7.087.04a uvāca me varuṇo medhirāya triḥ sapta nāmāghnyā bibharti |
 7.087.04c vidvān padasya guhyā na vocad yugāya vipra uparāya śikṣan ||
 7.087.05a tisro dyāvo nihitā antar asmin tisro bhūmīr uparāḥ ṣaḍvidhānāḥ |
 7.087.05c gr̄tso rājā varuṇaś cakra etaṁ divi preṅkham̄ hiraṇyayam̄ śubhe kam ||
 7.087.06a ava sindhum̄ varuṇo dyaur iva sthād drapso na sveto mṛgas tuviṣmān |
 7.087.06c gambhīraśam̄so rajaso vimānaḥ supāraksatraḥ sato asya rājā ||
 7.087.07a yo mṛlayāti cakruṣe cid āgo vayam̄ syāma varuṇe anāgāḥ |
 7.087.07c anu vratāny aditer r̄dhanto yūyam pāta svastibhiḥ sadā naḥ ||

7.088.01a pra śundhyuvam̄ varuṇāya preṣṭhām̄ maṭim̄ vasiṣṭha mīlhuṣe bharasva |
 7.088.01c ya im̄ arvāncam̄ karate yajatraṁ sahasrāmagham̄ vṛṣaṇam̄ br̄hantam̄ ||
 7.088.02a adhā nv asya ṣaṇḍr̄śam̄ jaganvān agner anīkam̄ varuṇasya maṁsi |
 7.088.02c svaīr yad aśmann adhipā u andho 'bhi mā vapur dr̄śaye ninīyāt ||
 7.088.03a ā yad ruhāva varuṇaś ca nāvam̄ pra yat samudram̄ irayāva madhyam̄ |
 7.088.03c adhi yad apām̄ snubhiś carāva pra preṅkha inkhayāvahai śubhe kam ||
 7.088.04a vasiṣṭham̄ ha varuṇo nāvya ādhād r̄ṣim̄ cakāra svapā mahobhiḥ |
 7.088.04c stotāram̄ vipraḥ sudinatve ahnām̄ yān nu dyāvas tatanan yād uṣāsaḥ ||
 7.088.05a kva1 tyāni nau sakhyā bābhūvuḥ sacāvahe yad avṛkam̄ purā cit |
 7.088.05c br̄hantam̄ mānam̄ varuṇa svadhāvaḥ sahasrādvāram̄ jagamā gr̄ham̄ te ||
 7.088.06a ya āpir nityo varuṇa priyaḥ san tvām̄ āgāmsi kṛṇavat sakhā te |
 7.088.06c mā ta enāsvanto yakṣin bhujema yandhi śmā vipra stuvate varūtham̄ ||
 7.088.07a dhruvāsu tvāsu kṣitiṣu kṣiyanto vy aśmat pāsam̄ varuṇo mumocat |
 7.088.07c avo vanvānā aditer upasthād yūyam pāta svastibhiḥ sadā naḥ ||

7.089.01a mo ṣu varuṇa mṛnmayam̄ gr̄ham̄ rājann aham̄ gamam̄ |
 7.089.01c mṛlā suksatra mṛlaya ||
 7.089.02a yad emī prasphurann iva dṛtir na dhmatō adrivah |
 7.089.02c mṛlā suksatra mṛlaya ||
 7.089.03a kratvaḥ samaha dīnatā pratīpaṁ jagamā śuce |

7.089.03c mṛlā sukṣatra mṛlaya ||
 7.089.04a apām madhye tasthivāmsam tṛṣṇāvidaj jaritāram |
 7.089.04c mṛlā sukṣatra mṛlaya ||
 7.089.05a yat kiṁ cedam varuṇa daivye janē 'bhidroham maṇuṣyāś carāmasi |
 7.089.05c acittī yat tava dharmā yuyopīma mā nas tasmād enaso deva rīṣaḥ ||

7.090.01a pra vīrayā śucayo dadrive vām adhvaryubhir madhumantaḥ sutāsaḥ |
 7.090.01c vaha vāyo niyuto yāhy acchā pibā sutasyāndhaso madāya ||
 7.090.02a īśānāya prahutiṁ yas ta ānaḥ chuciṁ somam śucipās tubhyaṁ vāyo |
 7.090.02c kṛṇoṣi tam martyeṣu praśastaṁ jāto-jāto jāyate vājy asya ||
 7.090.03a rāye nu yaṁ jaiṇatū rodāsime rāye devī dhiṣaṇā dhāti devam |
 7.090.03c adhā vāyurṁ niyutaḥ saścata svā uta śvetam vasudhitim nireke ||
 7.090.04a ucchann uśasaḥ sudinā aripṛā uru jyotir vividur dīdhyānāḥ |
 7.090.04c gavyam cid ūrvam uśijo vi vāvrus teṣām anu pradivaḥ sasrur āpaḥ ||
 7.090.05a te satyena manasā dīdhyānāḥ svena yuktāsaḥ kratunā vahanti |
 7.090.05c indravāyū vīravāham ratham vām īśānayoḥ abhi pṛkṣaḥ sacante ||
 7.090.06a īśānāso ye dadhate svar ṇo gobhir aśvebhir vasubhir hiraṇyair |
 7.090.06c indravāyū sūrayo viśvam āyur arvadbhīr vīraiḥ pṛtanāsu sahyuḥ ||
 7.090.07a arvanto na śravaṣo bhikṣamānā indravāyū suṣṭutibhir vasiṣṭhāḥ |
 7.090.07c vājayantāḥ sv avase huvema yūyam pāta svastibhiḥ sadā naḥ ||

7.091.01a kuvid aṅga namasā ye vṛdhāsaḥ purā devā anavadyāsa āsan |
 7.091.01c te vāyave manave bādhitāyāvāsayann uśasaṁ sūryeṇa ||
 7.091.02a uśantā dūtā na dabhāya gopā māsaś ca pāthaḥ śaradaś ca pūrvīḥ |
 7.091.02c indravāyū suṣṭutir vām iyānā mārḍīkam itte suvitam ca navyam ||
 7.091.03a pīvoannām rayivṛdhaḥ sumedhāḥ śvetāḥ śiṣakti niyutām abhiśrīḥ |
 7.091.03c te vāyave samanaso vi tasthur viśven naraḥ svapatyāni cakruḥ ||
 7.091.04a yāvāt taras tanvo yāvād ojo yāvan naraś cakṣasā dīdhyānāḥ |
 7.091.04c śuciṁ somam śucipā pātam asme indravāyū sadatam barhir edam ||
 7.091.05a niyuvānā niyuta spārhavirā indravāyū saratham yātam arvāk |
 7.091.05c idaṁ hi vām prabhṛtam madhvo agram adhā pṛiṇānā vi mumuktam asme ||
 7.091.06a yā vām śatam niyuto yāḥ sahasram indravāyū viśvavārāḥ sacante |
 7.091.06c ābhir yātam suvidatrābhir arvāk pātam narā pratibhṛtasya madhvaḥ ||
 7.091.07a arvanto na śravaṣo bhikṣamānā indravāyū suṣṭutibhir vasiṣṭhāḥ |
 7.091.07c vājayantāḥ sv avase huvema yūyam pāta svastibhiḥ sadā naḥ ||

7.092.01a ā vāyo bhūsa śucipā upa naḥ sahasram te niyuto viśvavāra |
 7.092.01c upo te andho madyam ayāmi yasya deva dadhiṣe pūrvapeyam ||
 7.092.02a pra sotā jīro adhvareshv asthāt somam indraya vāyave pibadhyai |
 7.092.02c pra yad vām madhvo agriyam bharanty adhvaryavo devayantaḥ śacībhiḥ ||
 7.092.03a pra yābhir yāsi dāsvāmsam acchā niyudbhīr vāyav iṣṭaye durone |

7.092.03c ni no rayim subhojasam yuvasva ni viraṃ gavyam aśvyam ca rādhah ||
 7.092.04a ye vāyava indramādanāsa ādevāso nitośanāso ariyah |
 7.092.04c ghnanto vṛtrāṇi sūribhiḥ śyāma sāsahvāmsō yudhā nṛbhir amitrān ||
 7.092.05a ā no niyudbhiḥ śatinībhir adhvaraṃ sahasriṇībhir upa yāhi yajñam |
 7.092.05c vāyo asmin savane mādayasva yūyam pāta svastibhiḥ sadā nah ||

7.093.01a śucim nu stomam navajātam adyendrāgnī vṛtrahaṇā juṣethām |
 7.093.01c ubhā hi vām suhavā johavimi tā vājam sadya usate dheṣṭhā ||
 7.093.02a tā sānāsī śavasānā hi bhūtam sākamvṛdhā śavasā sūsuvāmsā |
 7.093.02c kṣayantau rāyo yavasasya bhūreḥ pṛṅktam vājasya sthavirasya ghrṣveḥ ||
 7.093.03a upo ha yad vidatham vājino gur dhībhir vipraḥ pramatim icchamānāḥ |
 7.093.03c arvanto na kāsthām nakṣamānā indrāgnī johuvato naras te ||
 7.093.04a gīrbhir vipraḥ pramatim icchamāna itte rayim yaśasam pūrvabhājam |
 7.093.04c indrāgnī vṛtrahaṇā suvajrā pra no navyebhis tiratam deṣṇaiḥ ||
 7.093.05a sam yan mahi mithati spardhamāne tanūrucā sūrasātā yataite |
 7.093.05c adēvayum vidathe devayubhiḥ satrā hātam somasutā janena ||
 7.093.06a imām u śu somasutim upa na endrāgnī saumanasāyā yātam |
 7.093.06c nū cid dhi parimamnāthe asmān ā vām śaśvadbhir vavṛtiya vājaiḥ ||
 7.093.07a so agna enā namasā samiddho cchā mītram varuṇam indram voceḥ |
 7.093.07c yat sim āgāś cakrma tat su mṛḷa tad ariyamāditiḥ śisrathantu ||
 7.093.08a etā agna āśuśānāsa iṣṭir yuvoh sacābhy aśyāma vājān |
 7.093.08c mendro no viṣṇur marutaḥ pari khyan yūyam pāta svastibhiḥ sadā nah ||

7.094.01a iyam vām aśya manmāna indrāgnī pūrvyastūtiḥ |
 7.094.01c abhrād vṛṣṭir ivājani ||
 7.094.02a śṛṇutam jaritur havam indrāgnī vanatam girah |
 7.094.02c īśānā pipyatam dhiyah ||
 7.094.03a mā pāpatvāya no narendrāgnī mābhiśastaye |
 7.094.03c mā no riradhataṃ nide ||
 7.094.04a indre agnā namo brhat sūvṛktim erayāmahe |
 7.094.04c dhiyā dhenā avasyavaḥ ||
 7.094.05a tā hi śaśvanta ilata itthā viprāsa utaye |
 7.094.05c sabādho vājasātaye ||
 7.094.06a tā vām gīrbhir vipanyavaḥ prayasvanto havāmahe |
 7.094.06c medhasātā saniṣyavaḥ ||
 7.094.07a indrāgnī avasā gatam asmabhyam carṣaṇīśahā |
 7.094.07c mā no duḥśamsā īśata ||
 7.094.08a mā kasya no araruṣo dhūrtiḥ praṇaṇ martyāśya |
 7.094.08c indrāgnī śarma yacchatam ||
 7.094.09a gomād dhiranyavad vasu yad vām aśvāvad imahe |
 7.094.09c indrāgnī tad vanemahi ||

- 7.094.10a yat soma ā sute nara indrāgnī ajohavuh |
7.094.10c saptivantā saparyavaḥ ||
7.094.11a ukthebhir vṛtrahantamā yā mandānā cid ā girā |
7.094.11c āngūṣair āvivāsataḥ ||
7.094.12a tāv id duḥśamsam martyam durvidvāmsam rakṣasvinam |
7.094.12c ābhogaṃ hanmanā hatam udadhim hanmanā hatam ||
- 7.095.01a pra kṣodasā dhāyasā sasa eṣā sarasvatī dharuṇam āyasī pūḥ |
7.095.01c praḥābādhanā rathyeva yāti viśvā apo mahinā sindhur anyāḥ ||
7.095.02a ekācetat sarasvatī nadīnām śucir yaṭi giribhya ā sāmudrāt |
7.095.02c rāyaś cetantī bhuvanasya bhūrer ghṛtam payo duduḥe nāhuṣāya ||
7.095.03a sa vāvṛdhe naryo yoṣanāsu vṛṣā śīśur vṛṣabho yajñiyāsu |
7.095.03c sa vājinam maḥhavadbhyo dadhāti vi sātaye tanvam māmṛjita ||
7.095.04a uta syā naḥ sarasvatī juṣāṇopa śravat subhagā yajne asmin |
7.095.04c mitajñubhir namasyair iyānā rāyā yujā cid uttarā sakhībhyaḥ ||
7.095.05a imā juhvanā yuṣmad ā namobhiḥ prati stomam sarasvatī juṣasva |
7.095.05c tava śarman priyatame dadhānā upa stheyāma śaraṇam na vṛkṣam ||
7.095.06a ayam u te sarasvatī vasiṣṭho dvārāv ṛtasya subhage vy āvaḥ |
7.095.06c vardhā śubhre stuvate rāsi vājān yūyam pāta svastibhiḥ sadā naḥ ||
- 7.096.01a bṛhad u gāyiṣe vaco 'suryā nadīnām |
7.096.01c sarasvatīm in mahayā suvṛktibhi stomair vasiṣṭha rodasī ||
7.096.02a ubhe yat te mahinā śubhre andhasī adhikṣiyanti pūravaḥ |
7.096.02c sā no bodhy avitrī marutsakhā coda rādho maḥhonām ||
7.096.03a bhādrām id bhādrā kṛnavat sarasvaty akavāri cetati vājinivati |
7.096.03c gr̥nānā jamadagnivat stuvānā ca vasiṣṭhavat ||
7.096.04a janīyanto nv agravaḥ putriyantah sudānavaḥ |
7.096.04c sarasvantaṃ havāmahe ||
7.096.05a ye te sarasva ūrmayo madhumanto ghṛtaścutaḥ |
7.096.05c tebhir no 'vitā bhava ||
7.096.06a pīpivāmsam sarasvataḥ stanam yo viśvadarśataḥ |
7.096.06c bhakṣīmahi prajāṃ iṣam ||
- 7.097.01a yajñe divo nṛsadane pṛthivyā nara yatra devayavo madanti |
7.097.01c indrāya yatra savanāni sunve gaman madāya prathamam vayas ca ||
7.097.02a ā daivyā vṛṇīmahe 'vāmsi bṛhaspatir no maha ā sakhāyaḥ |
7.097.02c yathā bhavema mīlhuṣe anāgā yo no dātā parāvataḥ piteva ||
7.097.03a tam u jyeṣṭham namasā havirbhiḥ suśevam brahmaṇas patim gr̥ṇiṣe |
7.097.03c indram śloko mahi daivyaḥ siṣaktu yo brahmaṇo devakṛtasya rājā ||
7.097.04a sa ā no yonim sadatu preṣṭho bṛhaspatir viśvavāro yo asti |
7.097.04c kāmo rāyaḥ suvīryasya tam dāt parśan no atī saścato ariṣṭān ||

7.097.05a tam ā no arkam amṛtāya juṣtam ime dhāsura amṛtāsaḥ purājāḥ |
 7.097.05c śucikrandam yajatam pāstyānām bṛhaspatim anarvāṇam huvema ||
 7.097.06a tam śagmāso aruṣāso aśvā bṛhaspatim saḥavāho vahanti |
 7.097.06c saḥas cid yasya nilavat sadhastham nabho na rūpam aruṣam vasānāḥ ||
 7.097.07a sa hi śuciḥ śatapātraḥ sa śundhyur hiraṇyavāśir iṣiraḥ svarṣāḥ |
 7.097.07c bṛhaspatiḥ sa svāveśa rṣvaḥ purū sakhībhya āsutim kariṣṭhaḥ ||
 7.097.08a devī devasya rodasī janitṛī bṛhaspatim vāvṛdhatur mahitvā |
 7.097.08c dakṣāyāya dakṣatā sakhāyaḥ karad brahmaṇe sutarā sugādhā ||
 7.097.09a iyam vām brahmaṇas pate suvr̥ktir brahmendrāya vajriṇe akāri |
 7.097.09c aviṣṭam dhiyo jigṛtam purandhīr jajastam aryo vanuṣām arātīḥ ||
 7.097.10a bṛhaspate yuvam indraś ca vasvo divyasyeśāthe uta pārthivasya |
 7.097.10c dhattam rayim stuvate kīraye cid yūyam pāta svastibhiḥ sadā naḥ ||

7.098.01a adhvarāvavo ruṇam dugdham aṁsum juhotāna vṛṣabhāya kṣitīnām |
 7.098.01c gaurād vediyāṁ avapānam indro viśvāhed yāti sutasomam icchan ||
 7.098.02a yad dādhiṣe praḍivi cārv annam dive-dive pītim id aśya vakṣi |
 7.098.02c uta hṛdota manasā juṣāṇa uśann indra prasthitān pāhi somān ||
 7.098.03a jajñānaḥ somam saḥase papātha pra te mātā mahimānam uvāca |
 7.098.03c endra paprāthorv aṁtarikṣam yudhā devebhyo varivaś cakārtha ||
 7.098.04a yad yodhayā mahato manyamānān sāksāma tān bāhubhiḥ śāsādānān |
 7.098.04c yad vā nṛbhir vṛta indrābhiyudhyās tam tvayājim sauśravaṣam jāyema ||
 7.098.05a prendrasya vocam prathamā kṛtāni pra nūtanā maghavā yā cakāra |
 7.098.05c yaded adevīr asahiṣṭa māyā athābhavat kevalaḥ somo aśya ||
 7.098.06a tavedam viśvam abhitaḥ paśavyālm yat paśyasi cakṣasā sūryasya |
 7.098.06c gavām aśi gopatir eka indra bhakṣīmahi te prayatasya vasvaḥ ||
 7.098.07a bṛhaspate yuvam indraś ca vasvo divyasyeśāthe uta pārthivasya |
 7.098.07c dhattam rayim stuvate kīraye cid yūyam pāta svastibhiḥ sadā naḥ ||

7.099.01a paro mātrayā tanvā vṛdhāna na te mahitvam anv aśnuvanti |
 7.099.01c ubhe te vidma rajasī pṛthivyā viṣṇo deva tvam paramasya vitse ||
 7.099.02a na te viṣṇo jāyamāno na jāto deva mahimnaḥ param antam āpa |
 7.099.02c ud astabhnā nākam rṣvam bṛhantam dādhartha prācīm kakubham pṛthivyāḥ ||
 7.099.03a irāvati dhenumatī hi bhūtam sūyavasini manuse daśasyā |
 7.099.03c vy astabhnā rodasī viṣṇav ete dādhartha pṛthivīm abhito mayūkhaiḥ ||
 7.099.04a urum yajñāya cakrathur u lokam janayantā sūryam uśāsam agnim |
 7.099.04c dāsasya cid vṛṣaśiprasya māyā jaghnathur narā pṛtanājyeṣu ||
 7.099.05a indravīṣṇū dr̥mhitāḥ śambarasya nava purō navatim ca śnathiṣṭam |
 7.099.05c śatam varcināḥ sahasram ca sākam haṭho apraty asūryasya vīrān ||
 7.099.06a iyam manīṣā bṛhatī bṛhantorukramā tavasā vardhayanti |
 7.099.06c rare vām stomam vidatheṣu viṣṇo pinvatam iṣo vṛjaneṣv indra ||
 7.099.07a vaṣaṭ te viṣṇav āsa ā kṛṇomi tan me juṣasva śipiviṣṭa havyam |

7.099.07c vardhantu tvā suṣṭutayo giro me yūyam pāta svastibhiḥ sadā naḥ ||

7.100.01a nū martō dayate sanīṣyan yo viṣṇava urugāyāya dāśat |

7.100.01c pra yaḥ satrācā manasā yajāta etāvantaṁ naryam āvivāsāt ||

7.100.02a tvaṁ viṣṇo sumatiṁ viśvajanyāṁ aprayutāṁ evayāvo matim dāḥ |

7.100.02c parco yathā naḥ suvitasya bhūrer aśvāvataḥ puruścandrasya rāyah ||

7.100.03a trir devaḥ pṛthivīm eṣa etāṁ vi cakrame śatarcasam mahitvā |

7.100.03c pra viṣṇur astu tavasas taviyān tveṣam hy asya sthavirasya nāmā ||

7.100.04a vi cakrame pṛthivīm eṣa etāṁ kṣetrāya viṣṇur manuṣe daśasyan |

7.100.04c dhruvāso asya kīrayo janāsa urukṣitim sujanimā cakāra ||

7.100.05a pra tat te adya śipiviṣṭa nāmāryaḥ śamsāmi vayunāni vidvān |

7.100.05c taṁ tvā grṇāmi tavasam atavyān kṣayantam asya rajasaḥ parāke ||

7.100.06a kim it te viṣṇo paricakṣyam bhūt pra yad vavakṣe śipiviṣṭo asmi |

7.100.06c mā varpo asmad apa gūha etad yad anyarūpaḥ samithe babhūtha ||

7.100.07a vaṣat te viṣṇav āsa ā kṛṇomi tan me juṣasva śipiviṣṭa havyam |

7.100.07c vardhantu tvā suṣṭutayo giro me yūyam pāta svastibhiḥ sadā naḥ ||

7.101.01a tisro vacaḥ pra vada jyotiragrā yā etad duhre madhudogham ūdhaḥ |

7.101.01c sa vatsam kṛṇvan garbham ośadhīnām sadyo jāto vṛṣabho roravīti ||

7.101.02a yo vardhana ośadhīnām yo apām yo viśvasya jagato deva īse |

7.101.02c sa tridhātu śaraṇam śarma yaṁsat trivartu jyotiḥ svabhiṣṭy aśme ||

7.101.03a starīr u tvad bhavati sūta u tvad yathāvaśam tanvaṁ cakra eṣaḥ |

7.101.03c pituḥ payaḥ prati grbhṇāti mātā tena pitā vardhate tena putraḥ ||

7.101.04a yasmin viśvāni bhuvanāni tasthus tisro dyāvas tredhā saṣrur āpaḥ |

7.101.04c trayāḥ kośāsa upasecanāso madhva ścotanty abhito virapśam ||

7.101.05a idam vacaḥ parjanyaaya svarāje hrdo astv antaram taj juṣat |

7.101.05c mayobhuvō vṛṣṭayaḥ santv asme supippalā ośadhīr devagopāḥ ||

7.101.06a sa retodhā vṛṣabhaḥ śasvatīnām tasmīn ātmā jagatas tasthuśaś ca |

7.101.06c tan mā ṛtam pātu śataśāradāya yūyam pāta svastibhiḥ sadā naḥ ||

7.102.01a parjanyaaya pra gāyata divas putrāya mīlhuṣe |

7.102.01c sa no yavasam icchatu ||

7.102.02a yo garbham ośadhīnām gavām kṛṇoty arvatām |

7.102.02c parjanyaḥ puruṣīnām ||

7.102.03a tasmā id āsyē havir juhota madhumattamam |

7.102.03c ilām naḥ samyataṁ karat ||

7.103.01a samvatsaram śaśayānā brāhmaṇā vratacārīnaḥ |

7.103.01c vācam parjanyaajinvitām pra maṇḍūkā avādiṣuḥ ||

7.103.02a divyā āpo abhi yad enam āyan dṛtiṁ na śuṣkām sarasī śayānam |

7.103.02c gavām aha na māyur vatsinīnām maṇḍūkānām vagnur atrā sam eti ||

- 7.103.03a yad im enāṃ uśato abhy avarṣit tr̥ṣyāvataḥ prāvṛṣy āgatāyām |
7.103.03c akhkhaliḥkr̥tyā pitarām na putro anyo anyam upa vadantam eti ||
7.103.04a anyo anyam anu gr̥bhñāty enor apām prasarge yad amandiṣātām |
7.103.04c maṇḍūko yad abhivṛṣṭaḥ kaṇiṣkaṇ pṛṣṇiḥ sampr̥ṅkte haritena vācam ||
7.103.05a yad eṣām anyo anyasya vācam śāktasyeva vadati śikṣamāṇaḥ |
7.103.05c sarvaṃ tad eṣām samṛdheva parva yat suvāco vadathanādhy apsu ||
7.103.06a gomāyur eko ajamāyur ekaḥ pṛṣṇir eko harita eka eṣām |
7.103.06c samānam nāma bibhrato virūpāḥ purutrā vācam pipiśur vadantaḥ ||
7.103.07a brāhmaṇāso atirātre na some sarō na pūrṇam abhito vadantaḥ |
7.103.07c samvatsarasya tad ahaḥ pari ṣṭha yan maṇḍūkāḥ prāvṛṣiṇam babhūva ||
7.103.08a brāhmaṇāsaḥ somino vācam akrata brahma kṛṇvantaḥ parivatsariṇam |
7.103.08c adhvaryavo gharmaṇaḥ siṣvidānā āvir bhavanti guhyā na ke cit ||
7.103.09a devahitiṃ jugupur dvādaśasya rtum narō na pra minanty ete |
7.103.09c samvatsare prāvṛṣy āgatāyām taptā gharmā aśnuvate visargam ||
7.103.10a gomāyur adād ajamāyur adāt pṛṣṇir adād dharito no vasūni |
7.103.10c gavām maṇḍūkā dadataḥ śatāni sahasrasāve pra tiranta āyuh ||
- 7.104.01a indrāsomā tapatam rakṣa ubjatam ny arpayatam vṛṣaṇā tamovṛdhaḥ |
7.104.01c parā śr̥ṇitam acito ny ośatam haṭam nudethām ni śiśitam atrinaḥ ||
7.104.02a indrāsomā sam aghaśamsam abhy a1gham tapur yayastu carur agnivāṃ iva |
7.104.02c brahmadviṣe kravyāde ghoracakṣase dveṣo dhattam anavāyam kimidine ||
7.104.03a indrāsomā duṣkr̥to vavre antar anārambhāne tamāsi pra vidhyatam |
7.104.03c yathā nātaḥ punar ekaś canodayat tad vām astu sahase manyumac chavaḥ ||
7.104.04a indrāsomā vartayatam divo vadham sam pṛthivyā aghaśamsāya tarhaṇam |
7.104.04c ut takṣatam svarya1m parvatebhyo yena rakṣo vāvṛdhānam nijūrvathaḥ ||
7.104.05a indrāsomā vartayatam divas pary agnitaptebhir yuvam aśmahanmabhiḥ |
7.104.05c tapurvadhebhīr ajarebhīr atrino ni parśāne vidhyatam yantu nisvaram ||
7.104.06a indrāsomā pari vām bhūtu viśvata iyam maṭiḥ kaḥṣyāśveva vājinā |
7.104.06c yām vām hotrām parihinomi medhayemā brahmāṇi nr̥patīva jinvatam ||
7.104.07a prati smarethām tujayadbhir evair haṭam druho rakṣaso bhaṅgurāvataḥ |
7.104.07c indrāsomā duṣkr̥te mā sugam bhūd yo naḥ kadā cid abhidāsati druhā ||
7.104.08a yo mā pākena manasā carantam abhicaṣṭe anṛtebhīr vacobhiḥ |
7.104.08c āpa iva kāśinā saṅgr̥bhītā asann astv āsata indra vaktā ||
7.104.09a ye pākaśamsam viharanta evair ye vā bhādraṃ dūṣayanti svadhābhīḥ |
7.104.09c ahaye vā tām pradadātu soma ā vā dadhātu nirṛter upasthe ||
7.104.10a yo no rasam dipsati pitvo agne yo aśvānām yo gavām yas tanūnām |
7.104.10c ripu stena steyakṛd dabhram etu ni ṣa hiyatām tanvā3 tanā ca ||
7.104.11a paraḥ so astu tanvā3 tanā ca tiṣraḥ pṛthivīr adho astu viśvāḥ |
7.104.11c prati śuṣyatu yaśo asya devā yo no divā dipsati yaś ca naktam ||
7.104.12a suvijñānam cikituṣe janāya sac cāsac ca vacasī paspr̥dhāte |
7.104.12c tayor yat satyam yatarad r̥jīyas tad it somo vati hanty āsat ||

- 7.104.13a na vā u somo vṛjinaṁ hinoti na kṣatriyaṁ mithuyā dhārayantam |
7.104.13c hanti rakṣo hanti āsad vadantam ubhāv indrasya prasitau śayāte ||
7.104.14a yadi vāham anṛtadeva āsa moghaṁ vā devāṁ apyūhe agne |
7.104.14c kim asmabhyāṁ jātavedo hr̥ṇiṣe droghavācas te nirr̥tham śacantām ||
7.104.15a adyā mūrīya yadi yātudhāno asmi yadi vāyus tatapa pūruṣasya |
7.104.15c adhā sa vīrair daśabhīr vi yūyā yo mā moghaṁ yātudhānety āha ||
7.104.16a yo māyātum yātudhānety āha yo vā rakṣāḥ śucir asmīty āha |
7.104.16c indras tam hantu mahatā vadhena viśvasya jantor adhamas padīṣṭa ||
7.104.17a pra yā jigāti khargaleva naktam apa druhā tanvalm gūhamānā |
7.104.17c vavr̥m̄ anantam̄ ava sā padīṣṭa grāvāno ghnantu rakṣasā upabdaiḥ ||
7.104.18a vi tiṣṭhadhvam maruto vikṣv ilcchata grbhāyata rakṣasāḥ sam piṇaṣṭana |
7.104.18c vayo ye bhūtvī patayanti naktabhīr ye vā ripō dadhire deve adhvare ||
7.104.19a pra vartaya divo asmānam indra somaśitam maghavan sam śīśādhi |
7.104.19c prāktād apāktād adharād udaktād abhi jahi rakṣasāḥ parvatena ||
7.104.20a eta u tye patayanti śvayātava indram dipsanti dipsavo dābhyam |
7.104.20c śīśīte śakraḥ piśunebhyo vadham nūnam sṛjad aśanīm yātumadbhyaḥ ||
7.104.21a indro yātūnām abhavat parāśaro havirmathinām abhy āvivāsatām |
7.104.21c abhīd u śakraḥ paraśur yathā vanam pātreva bhīndan sāta eti rakṣasāḥ ||
7.104.22a ulūkayātum śuśulūkayātum jahi śvayātum uta kokayātum |
7.104.22c suparnayātum uta grdhrayātum dr̥ṣadeva pra mṛṇa rakṣa indra ||
7.104.23a mā no rakṣo abhi naḍ yātumāvātām apocchatu mithunā yā kimidinā |
7.104.23c pṛthivī naḥ pārhivāt pātv amhaso 'ntarikṣam divyāt pātv asmān ||
7.104.24a indra jahi pumāmsam yātudhānam uta striyam māyayā śāśadānām |
7.104.24c vigrivāso mūrādevā rdantu mā te dr̥ṣan sūryam uccarantam ||
7.104.25a prati cakṣva vi cakṣvendras ca soma jāgrtam |
7.104.25c rakṣobhyo vadham aśyatam aśanīm yātumadbhyaḥ ||

Notes by [Detlef Eichler](mailto:detlefeichler@googlemail.com) (detlefeichler(@googlemail.com):

1. Please note that this PDF file is not for commercial use and released only for personal scholarly activity.
2. This transliteration version of Rigveda is from an ITRANS file which I have created on the basis of [The Aufrecht/van Nooten/Holland \(Samhita\) version of the Rigveda](http://www.people.fas.harvard.edu/~witzel/onlineRV.htm). (<http://www.people.fas.harvard.edu/~witzel/onlineRV.htm>)
3. The font used for the Rigveda text is URW Palladio IT. In the three words hiraṇyapraugaṁ (1.035.05a), dūraūpabdo (7.021.02c), and praugaṁ (10.130.03c) the font Times New Roman is used for the character ū to show Hiatus between a and u. For the numbers of Maṇḍala, Sūkta, and Mantra at the beginning of each line (1.001.01a) the font Times New Roman is used.
4. Last updated: 15 September 2008